

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

36 pes

Namba 912

Wik i stat long Fonde Desemba 26, 1991.

40 toea

Ol gavman stua i pas

400 lusim wok

Rabaul kot
rausim sas
bilong Korea
pis kampani

KONIO SENEKA i raitim

FOA handed (400) wokman na meri bilong ol gavman stua long kantri bai lusim wok bilong ol.

Stat long 1 Janueri, 1992, 77 woka tasol bai stap wok yet long Stua na Saplai Divisen. Dispela em nupela plen bilong ol gavman stua.

Tasol i luk olsem dispela ol 400 woka husat i lusim wok i no inap kisim pinis mani bilong ol. Long wanem Dipatmen bilong Pesenel Menesmen i no gat inap mani bilong baim olgeta 400 woka. Ripot i tok olsem long wanpela kibung long Badili las wik, ol mausman bilong Fainens na Plening, gavman opis hetkwata na ol lain long Dipatmen bilong Pesenel Menesmen i tok ol dispela lain wokman na meri bai kisim pinis pe taim i gat mani.

Dipatmen bai putim tok save bilong ol dispela wok long niuspepa na redio bilong ol man long aplai. Olsem bai ol inap kisim stret ol lain i gat gutpela save bilong mekim bikpela wok. No gat man inap tokaut sapos dispela bai karamapim tu wok bilong Sentrel Saplai na Tenda Bod bilong nesenel gavman.

Kabinet i bin oraitim dispela senis long mun i go moa long pes 2



Nupela ekta bilong Goroka...Nagatoe Wilson i bilas long pasin tumbuna i stretim ol kopi bin bilong drai long san. Nagatoe i gat 18 krismas na i memba bilong nupela drama grup bilong Kamaiufa viles long Isten Hailans provins. Nem bilong dispela grup em Bena Nheya Kalsarel grup. *Poto: Sape Metta.*

NESENEL Kot long Rabaul i rausim sas bilong wanpela sip bilong painim pis bilong kantri Korea

Plis i bin sasim dispela sip. Sea Hawk No1 long brukim lo na kam painim pis long solwara bilong PNG. Na ol i no gat laisens. Distrik Kot i bin sasim Kepten Bag Jung Kyu long baim K800. Sapos no gat em bai kalabus long 4-pela mun long Desemba, 1991. Tasol em i apai na Neusele Kot i rausim dispela sas.

Patrol bot bilong nevi, HMPNGS Dreger i holim dispela sip long Kep Dunganar long solwara bilong Norwes Bogenvil.

Kot i bin sasim dispela sip bikos em i no gat laisens bilong painim pis aninit long Seksen 6 (2) bilong Fisisis Eki na long solwara bilong PNG.

Olgeta wokman bilong dispela sip i bilong kantri Korea tasol. Na wanpela helikopta pilot tasol bilong Amerika. Ripot buk bilong kepten i soim olsem sip i bin laik go olsem long Guam na Wallis na Futuna ailan taim ol holim em. Dispela sip bilong Oyang Pis kampani bilong Seoul long Korea. Em i lusim Rabaul long 11 Desemba bihain long em i winim kot.

Wanpela sinia opis bilong kampani i...

i go moa long pes 2

INSAIT

• Op duti plisman dai long danis .. p2


• Nupela kalabus lo kirapim bel .. p3

• Patrol opisa painim ol busman ... p4

SKUL FI KOMPETISEN

• Ragbi gat nem nogut long ovasis ... RLN





Amamas Bilong Krismas

Amamas long gutpela Krismas na Hepi Nu Ya tasol plis draiv gut.

Ela Motors

Op duti plisman dai long danis

WANPELA plisman husat i go holide i bin dai long bikpela pait long wanpela setelmen long Kiunga, Westen provins. Dispela birua i bin kamap long Sarere Desemba 21, 1991.

Not Flai Provinsal Plis Komanda, Suprintenden Thomas Pelika i tok dispela plisman em Sinia Konstebel Paul Nala. Nala i gat 28 krismas na i bilong Laiket as viles long Laigam distrik, Enga provins. Na em i holide na i stap wantaim ol famili long ples. Tasol em i harim olsem ol raskol i brukim haus bilong em long Kiunga na em i go long sekim haus bilong em.

Long hap ol i go danis long wanpela 6 to 6 klab. Ol plisman i bilip olsem insait long dispela danis, ol man i salim moa long 50 katen bia long blak maket. Tasol namel long 5 na 6 klok moning, wanpela pait i kamap. Na moa long 20 yangpela na lapun man i bin raunim Nala i go ausait long bikrot bilong ka. Ol i holim na paitim em wantaim stik, ston na kikim em nabaut. Nala i go kamap long haus sik na em i dai.

Moa plisman kot long ol Gems haus

DOMINIC KAKAS i raitim

NEM bilong moa plisman i kamap nau long protes long ol haus bilong Gems viles long dispela yia.

Ol plisman i bin protes bikos ol i no amamas long pasin em Fos i bin tilim ol haus. Na bihain Fos i bin kotim ol dispela lain husat i protes. Na kot i painim olsem ol i bin rong.

Asisten Plis Komisina na Sauten Divisen Komanda, Matthew Minok i tok dispela kain pasin ol plisman i mekim i no gutpela. Olsem na ol bai kisim sas.

Komanda Minok i no laik tokaut long wanem sas ol plisman bai kisim. Tasol em i tok sas bilong ol bai inap long wanem samting kot i bin painimaut long en.

Suprintenden Minok i tok ol dispela lain plisman i mas tingting gut pastaim sapos ol i laik kamapim

wankain pasin long taim bihain. Ol arapela plisman i holim pinis 7-pela plisman long bagarapim ol samting taim ol i protes long ol haus bilong Saut Pasifik Gems viles.

Kot i bin rausim sas bilong tupela man pastaim. Long las wik Mande, 5-pela gen i kamap na kot rausim sas bilong 4-pela. Ol dispela plisman em Harry Samoa, Donatus Kilimeto, Arnold Kamblijambi wantaim wanpela olpela plisman, Peter Hari.

Mejistret Allan Kopi i tok kot i no painim wanpela rong long ol dispela plisman olsem na em i rausim sas bilong ol. Namba 5 man, Oscar Richard i bin kamap long kot long Mande Desemba 23, 1991. Na mejistret i skruim kot bilong em i go long Janueri 2, 1992.

Tasol i gat bilip olsem ol plisman bai sasim gen ol dispela 4-pela man. Plis dipatmen i kisim pinis saman pepa long ol 4-pela. Tasol kot i laikim sam-pela moa ripot long sapotim dispela saman pepa.



Kas bilong ol risev plis - Moa long 100 risev plis i bin bung long Loyld Robson pilai graun long las wik Fraide long kisim midal bilong ol. Dispela ol midel em long luksave long wok bilong ol long 1991 Saut Pasifik Gems long Mosbi

Kain kain plis operesen bai kamap long krismas na Nu Yia

PLIS bai holim kain kain operesen long olgeta hap bilong kantri long krismas na Nu Yia.

Ol i redim nau wanem samting bilong mekim long ol dispela taim.

Long Mosbi yet, Metropolitan Suprintenden Sam Inguba i tok moa long 700 man bai wok. Dispela namba i karamapim ol lain bilong mobail skwat, risev konstebulari, ol spesel konstebol na ol lain bilong jenerel duti.

Moa plisman bai kam tu long Bomana na Royel Konstebulari Ben. Operesen bai stat long 24 Desemba,

1991 i go inap long 2 Janueri, 1992.

Metsup Inguba i tok ol plisman bai wokabaut na patrol raun long ol stua, setelmen, ol ples klostu long siti na ples ol pipel i stap long en. Long nau yet, plis i wok long skulim ol pipel long wanem samting inap kamap sapos ol i brukim lo.

Em i tok, "Mipela i no inap isi long ol lain husat i pulim nabaut dram na ol pipia long rot, brukim botol o mekim olsem."

Plis bai banisim tu Magi na Hiritano haiwe bilong sekap long ol draiva husat i spak na ronim ka long rot.

400 man i lusim ol wok

i kam long pes 1

Ogas. Ol i bilip olsem dispela senis bai sevim K1.5 milien bilong gavman long olgeta yia.

Long ol senis, wok bilong ol gavman stua nau bai sut tasol long ol bikpela samting olsem rais, ol tin kaikai na ol narapela kaikai bilong go long ol hostel, haus kalabus, ol skul na ples bilong lukautim ol kaikai samting bilong ol imejensi operesen.

Ol narapela wok bilong ol gavman stua nau bai pinis. Dispela i min olsem ol dipatmen bai baim stret long ol praivet stua na bisnis. Planti ripot bilong ol gavman stua i soim olsem ol stua i no wok stret. Planti pasin stil i bin kamap.

Dispela i kamapim narapela hevi gen taim ol gavman dipatmen i lusim ol gavman stua na go baim samting bilong ol long narapela hap. Na dispela i mekim mak bilong mani tu i kam daun. Long 1989, mak ol gavman stua i bungim i stap long K9 milien. Tasol long 1990, em i kam daun olgeta long K6 milien. Tasol namba bilong ol wokman na meri i stap wankain yet.

Olsem na nesanel gavman i kamapim dispela nupela senis bilong rausim ol gavman stua. Na larim ol dipatmen i baim ol kago bilong ol long narapela hap. Tupela gavman stua tasol long Badili (Mosbi) na Lae bai stap.

Nupela de gen bilong amamasim Kwins betde

PRAIM Minista, Rabbie Namaliu i tokaut pinis long nupela de bilong malolo long 1992 Kwins Betde wiken.

Dispela holide bai kamap long namba tu Mande long 8 Jun, 1992 na i no long Jun 15 olsem ol memba i bin makim pastaim. Praim Minista i tok bai

ol memba i oraitim dispela de long neks yia taim ol i kam bek na bung.

Namaliu i tok long dispela taim nau, Kwins Betde holide bai kamap long olgeta namba tu Mande long mun Jun long olgeta yia bihain.



MOSBI: Olpela nesanel palamen memba bilong Kogo-Margarima insait long Sauten Hailans provins, Mista Dambali Mabe i bin dai long Sarere Desemba 21, 1991.

Plis ripot i tok Mabe i bin wokabaut wantaim wanpela wantok bilong em na i painim dispela birua. Ripot i tok ka bilong Mabe i bin bagarap long Hohola plis stesin. Olsem na Mabe wantaim man husat i go wantaim em i wokabaut i go long haus bilong Mabe long Boroko.

Tupela i bin stapim wanpela ka bilong ami na askim long helpim tupela. Tasol bipo long tupela i kalap, wanpela ka spit i kam long baksait na pamim Mabe. Ka i mekim dispela trabel na ranawe olgeta.

Ol plisman i painim yet dispela ka.

MOSBI: Olgeta plisman long Mosbi bai holim wanpela operesen long taim bilong krismas na nu yia.

Ripot i tok moa long 500 plisman na meri bai patrol long ol eria olsem Gerehu, Korobosea, Godens, Tokarara na taun eria. Wankain operesen bai kamap ausait tu long Hiritano haiwe na i go inap long lokea viles long Galp provins. Ripot i tok planti raskol pasin i kamap long ol dispela eria. Olsem na ol plisman bai mekim dispela operesen stat long 6 klok apinun (6.00pm) na i go inap long 6 klok moning (6.00am). Operesen ya i stat pinis long Tunde Desemba 24, 1992.

RABAU: Ol plisman i holim pasim pinis wanpela man lsten Hailans. Bikos ol i bilip em i kilim wanpela man Bogenvil. Em i komplem olsem man Bogenvil i bin prenim meri bilong em.

Nem bilong man husat i dai em John Arigia. John i gat 22 krismas na i bilong Kunua viles, Buka distrik insait long Not Solomon provins. Plis ripot i tok Arigia i stap wantaim ol pren bilong em long Vunlana plantesin long Not Kos rot bilong Gazelle Paninsula.

Olgeta Not Solomon pipel long Is Nu Briten i kibung pinis long indai bilong Arigia.

LAE: Ol plisman i holim pasim wanpela meri pinis, na sasim em long sas bilong kilim man bilong em. Plis ripot i tok birua ya i bin kamap long Lae long Novemba 27, 1991.

Ripot i tok birua i kamapim planti het pen stret long ol manmeri husat i stap long Wes Taraka eria ausait long Lae siti. Bihain long dispela birua, ol pipel bilong Morobe i strongim toktok long rausim olgeta setelmen insait long Lae siti.

Long dispela birua pasin na Primia Jerry Nalau i askim gavman long rausim olgeta sevis long Wes Taraka eria. Nau yet primia i senisim tingting pinis long bringim olgeta sevis i go bek.

Meri ya i katim man bilong em taim tupela i kros i stap insait long rum. Dispela man em bilong Naweia eria long Morobe provins.

LAE: Long 2 Mail setelmen long Lae, 10-pela raskol i holim pasim wanpela meri na bagarapim em.

Plis ripot i tok meri ya i bin slip wanpela long haus taim ol dispela man i kamap. Ol i opim dua na pulim em i go ausait long haus, na bihain bagarapim em.


Man bilong dispela meri i save wok olsem wanpela sekyuriti long nait. Olsem na em i bin stap long wok taim dispela birua i kamap. Ripot i tok meri ya i luksave pinis long ol dispela man. Olsem na ol plisman i painim ol nau.

HAILANS RIJON: Ol plisman long Hailans rijon bai holim tu wanpela wankain spesel operesen long stapim olgeta hevi long tupela de ya, Trinde 25 na Fonde Desemba 26, 1991.

Ripot i tok moa long 1,000 plisman bai mekim dispela wok long tupela de ya. Na husat man i laik kamap Rembo na spak o mekim raskol pasin long rot, bai ol i holim pasim.

MT HAGEN: Moa long 400 plisman long Hagen bai wok 24 aua long tupela de bilong krismas.

Ol mobail skwat bai mekim wanpela operesen namel long Hagen na Nebilyer, Tombi, Simbu, Baiya, na Dei Kaunsil eria long tupela de bilong krismas ya.



Kepten Kulra long Rabaul bris bihain long em i go long Buka long retoresen progrem. Slip bilong em, HMAS Buna i karim sapial i go long Buka, na nau i redi long sel i go long Mosbi. Poto Andrew Yaninen.

Nupela kalabus lo bilong komyuniti kirapim ol bel

HARLYNE JOKU i raitim

NUPELA lo bilong larim ol kalabusman na meri i go stap long komyuniti i kirapim planti bel nau.

Planti ol kalabusman na meri wantaim ol famili memba i laik aplai long kisim tok orait bilong go stap long komyuniti. Tasol i luk olsem dispela bai i no inap kamap inap long namel bilong neks yia.

Nem bilong dispela nupela lo em "parol lo". Ol kalabusman na meri inap aplai i go long wanpela bod bilong skelim ol sas na rong bilong ol. Na sapos bod i orait, ol dispela lain inap go stap long komyuniti na pinisim taim bilong kalabus na wok insait long komyuniti. Ol opisa bilong CIS bai wokim dispela aplikesen na salim i go long bod. Tasol long nau yet, no gat wanpela kain bod olsem i stap.

Praim Minista Robbie Namaliu i bin kirapim tru bel bilong olgeta lain taim em i tokaut long 28 Novemba, 1991 olsem ol aplikesen i ken go nau long wanpela parol bod. Na gavman bilong em i bin oraitim pinis dispela parol ekt bilong lusim ol

kalabusman na meri i go stap wok long komyuniti inap taim bilong ol i pinis.

Tasol Sief Probesen Opisa, Leo Tohichem i tok wok i maš kamap namel long nau na mun Jun bilong statim wanpela bod. CIS i mas redim tu aplikesen bilong ol lain husat ol inap lusim i go stap long komyuniti. Na tu i mas gat moa trening bilong ol voluntia woka long lukautim ol kalabusman na meri taim ol i stap long ol komyuniti. Dispela voluntia bai wok wantaim wanpela parol opisa bilong lukautim ol kalabusman na meri husat i stap aninit long lukaut bilong opisa. Na ol bai inap stap olsem ol gutpela man na meri long komyuniti.

Nau ol inap kirapim wanpela parol bod. Jastis minista na Atoni Jenerel bai makim ol memba bilong bod. Wanpela loya bai kamap olsem siaman na em i mas gat ol dispela save:

- gutpela ekspirians na save long sosol welfea (hevi bilong man na meri);
- i save wok olgeta taim wantaim komyuniti;
- i gat gutpela namba na nem long komyuniti;
- luksave long ol hevi bilong komyuniti na wanem

samting inap kamap; na

- laik bilong wok wantaim ol pipel husat i laik kamap gutpela man na meri gen.

CIS Komisina bai makim wanpela arapela memba na bos bilong Jastis dipatmen bai makim narapela.

Ol memba bilong bod bai skelim ol sas bilong ol kalabus husat i laik go stap pinisim taim long komyuniti. Na ol bai tokaut sapos dispela i orait o no gat.

Bod inap oraitim aplikesen bilong wanpela kalabus sapos:

- kot i kalabusim em inap long tripela yia na em i winim wanpela yia pinis;
- kot i kalabusim em inap long tripela yia o moa na em i winim 4-pela mun pinis; na
- kot i bin kalabusim em bilong stap inap em i dai na i no winim 10-pela yia yet.

Komisina bai givim tu ripot bilong husat kalabus i laik go stap long komyuniti na pinisim taim bilong em. Dispela ripot bai soim olgeta ripot em bod i laikim. Na em i wok bilong ol long skelim na autim tingting bilong ol.

PTC i laik sanapim pos opis long Jacksons ples balus tasol . . .

PTC i laik wokim wanpela pos opis long Jacksons ples balus long Mosbi. Dispela pos opis bai senisim narapela liklik i stap aninit long TNT opis.

Eksekutiv menesa bilong PTC, Thomas Menei i wok long stremit yet toktok wantaim Sifel Aviesen Atoriti (CAA). Bikos CAA i sanapim nupela opis klostu long Jacksons ples balus. Na em i laikim CAA long givim hap rum long PTC long wokim dispela nupela pos opis.

Wok bilong dispela liklik pos opis nau em long salim pas, salim takis bilong lusim kantri na ol stem.

Dispela askim i kamap bikos ples balus i mas gat wanpela bikpela na gutpela pos opis bilong helpim ol lain long kantri na ovasis wantaim.

PTC i wetim tasol tok orait bilong CAA. Toktok bilong dispela pos opis i stat long las yia.

Menei i tok planti pasindia bilong PNG na ovasis i save painim hat long go long bikpela Boroko pos opis.

Em i tok nupela pos opis bai i gat sevis bilong salim na kisim mani, baim stem, salim ol pepa na ripot (fax), i gat ol telipon, takis bilong balus.



• Lotu bilong Kurongku: Ol lain Not Solomons long Mosbi i bilas long singsing tumbuna long Mosbi Katedrel long Sarere Desemba 21. Dispela em long amamasim 25 krismas bilong Asblisop Peter Kurongku long wok olsem pater. Kurongku em Asblisop bilong Mosbi Katolik Asdalosos. Lukim ripot long pes 6.

Rabaul kot rausim sas

i kam long pes 1

kisim balus long Korea bilong kam long kot. Em i tok Central Cold stua bilong ol long Mosbi i bin baim laisens pinis.

Kepten Bag Jung Kyu i no bin soim laisens taim ol i holim em. Wanem samting em i soim em wanpela olpela laisens bilong 25 Septemba. Tasol dispela laisens i bin pinis long 25 Novemba, 1991. Wanpela fiseris opisa i tok dispela laisens ol i salim i no trupela. Bikos i no gat mak bilong minista Akoka Doi long en.

Na tu i no gat rekot bilong mani em Central Cold Stores long Mosbi i bin baim long nem bilong Oyang Pis kampani i go long Fiseris na Marin Risoses dipatmen. Nupela laisens bilong narapela tupela mun bai kos namel long K30,000 na K40,000.

Aninit long lo bilong Fiseris, dispela bot i kam nau long lukaut bilong stet. Tasol Sinia Distrik Kot mejistret Sam Naru i tok i no gutpela tumas long givim kain oda olsem. Bihain tasol long kot i autim tingting bilong en, tupela apil i kamap. Peter Steele

bilong Steele Lawyers i makim pis kampani na i tok olsem i no gat inap rekot samting bilong soim olsem dispela laisens i no trupela. Em i tok dispela em wanpela rot tasol bilong kepten long banisim em yet.

Wanpela gavman loya tu i bin apil tasol Nesenel Kot i no inap mekim wanem bihain long em i autim tingting bilong en. Ol loya bilong gavman i sekap gut nau long ol samting. Na bai ol i apil gen long Suprim Kot o no gat.

Papa bilong Central Cold Stores Pty Limited em Michael Sai'i bilong Gerehu.

Ol papa graun bilong Ok Tedi kisim K2.9 milien

OK Tedi Maining Limited i baim pinis K600,000 (\$A0.8 milien) long ol papa bilong graun olsem kompensesen mani na K600,000 (\$A0.22 milien) i go insait long tras fan bilong ol papa bilong graun.

Antap long dispela, ol papa bilong graun i kisim royelti pe em i stap olsem K1.7 milien (\$A2.3 milien) long 1991.

Long wankain taim tu, sindaun bilong ol pipel i stap long maus bilong Ok Tedi na Flai Riva i kamap gutpela aninit long ol wok em Ok Tedi/Flai Riva Dvelopmen Tras i bin karimaut. Moa long 100 ples i kisim helpim long Tras.

Tras i karimaut ol kain projek long ol ples olsem komyuniti haus, et pos, haus win, tenk wara na ol

liklik bris. Na tu kampani i helpim ol lokol bisnisman na meri long kain wok olsem kisim pis na salim long Flai Riva. Ok Tedi Main i makim K2.5 milien (\$A3.4 milien) em Tras i bin yusim long wokim ol samting long 1990, na K2.6 milien (\$A3.5 milien) long 1991.

Ok Tedi Maining Limited i givim ol saveman bilong wok bisnis long helpim ol lokol bisnis komyunit em i karamapim 48 bisnis long 1990. Ol dispela bisnis i kamapim K33 milien (\$A45 milien) profit mani, na givim wok long 772 manmeri.

Ok Tedi Maining Limited i baim planti kain kain mani tu long gavman. Sampela olsem ol takis, royelti na ol narapela samting.

Calculators



ALU SIGNS PTY LTD

PO BOX 7081, BOROKO PH: 25 4600 STORE: NEAR BOROKO POLICE STATION

TR

WANTOK BILONG TORO BAI GO BEK LONG PLES OLSEM NA TORO HOSTIM WANPELA PATI!!!

EM BAIM TEN-PELA KATEN NA OL I SELEBRET!!!

(CHIC!) DRINKAP!... WANTOK BILONG MI BAI GO TOMORO.. MAI SAUT(CHIC!) EM FEWEL PATI, YAH!

AIYOO! WANTOK TORO, SNIFF! TENKS!

TUPELA HOUIMPAS NA KRAI... TORO RAUSIM MONI NA TOKIM WANTOK YAH!!!

NO WARIS WANTOK.. (SNIFF) BAI MI BAIM BALUS BILONG YU TOMORO NA BAI YU GO BEK LONG PLES...

SOBI TORO YU LEWA STRET!

WANTOK YAH I HARIM OLSEM, EM KIS LONG TORO NA KRAI NOGIT TRU.

I NO LONG TAIM NA OL RASKOL IKAM NA HENSAPIM OLGETA!!!

OLGETA MONI IKAM, HARIAP!!

MERI KRIS MAS OLGETA!

OL IKARIM OLGETA KATEW BIA TU I GO!!!

TARANGU WANTOK EILONG TORO IKRAI LONG BALUS FE OL RASKOL I STILIM LONG EN!!!

AAEEOOO OL I STILIM MONI BILONG TIKET YAAA.

PASIM MAUS! EMI NO MONI BILONG YU!!!

SOBI SNIFF!

YU KRAI BEBI!

TASOL TORO TOKIM WANTOK YAH LONG SARAP!

WANTOK

NIUSPEPA BILONG OL PAPUA NIUGINI STRET

Nupela fores lo i gutpela

Nupela Fores pien i autim sampela gutpela tingting tru. Bikos em i selp rilasesens, givim wok long ol pipel bilong kantri, na ol lain long ples tu inap mekim.

Dispela nupela polisi em long tambuim kantri i kismol siana tebol samting i kam long ovasis. Long tok piksa, yumi tok ol wok bilong timba. Fores dipatmen i tokaut long statim ol fektori bilong wokim ol dispela samting. Em nau! Hure long yu Fores minista wantaim dipatmen bilong yu.

Dispela i soim tru piksa bilong wanem samting yumi inap wokim long ol samting bilong kantri yet. Papua Niugini i ris tru long kain kain samting long graun, aninit long solwara na wara na ol kain kain abus tu.

Toktok long solwara, hamas taim nau yumi harim ol kusai ripot bilong kirapim ol tinpis na tinmit fektori long kantri. PNG i gat planti pis (olsem na ol ovasis sip i save laik kam stil long hia), abus olsem kau na sipsip, kakaruk, pato na ol planti arapela samting. Sapos Fores dipatmen i toktok strong long dispela, watpo ol arapela dipatmen i no inap mekim wankain samting.

Dispela kain pien na lo em i gutpela. Bikos em i givim wok na helpim tru ol pipel. Na tu em i no samting bilong kamap nau tasol (olsem ol ovasis timba bisnis) na bai pinis long taim bihain. Nogat. Dispela samting taim em i stat bai stap oltaim. Em i wok bilong ol pipel na kantri yet.

Patrol opisa painim bus pipel long Westen provins

IAN KAKARERE I raitim

OL patrol opisa i painim 106 manmeri husat i no save long wanem senis i kamap nau long kantri inap long 20 yia olgeta.

Dispela ol lain pipel i stap long hap bilong Striklen na Nomad Riva long Westen provins.

Asisten Distrik Opisa, Fafaeg Bibin i bin go pas long dispela patrol. Ol i wokabaut long lek na kalap long spitbot. Bibin i tok ol i patrol

bikos long 1990 taim ol i kaunim ol pipel, ol i no bin painim wanpela man o meri long hap. Na dispela ripot i bin kamap long Wantok Niuspepa long as yia.

Long 1980, ol i bin kaunim 18 pipel. Bibin i tok dispela patrol i wokabaut tu bilong sekap long gutpela hap bilong kirapim ol projek. Ol i bin stat wokabaut long misin stesin bilong Evanjelikel Sios bilong Papua long Suabi.

Long Suabi, ol i bihainim Baia riva i go daun long Striklen Riva

long spitbot. Na long nait, ol i stap malolo long wanpela olpela maining kem long Kamugato.

Long 9 Jun, patrol i bungim ol pipel bilong Headibi na kaunim 26 pipel. Orait long dispela de, ol i bungim na kaunim gen narapela 15 pipel long Tokoehai na narapela 15 pipel long Omoibi.

Bibin i tok las man bilong kam raun long dispela ol hap em long 1970. Na dispela i bin wanpela waitman. Na taim em i kamap, Bibin i tok ol pipel i no bilip

olsem em i wanpela patrol opisa. Bikos ol i tok, dispela em i wok bilong ol waitman tasol.


Em i tok ol pipel bilong dispela tripela ples i no save olsem Papua Niugini i kismol independens pinis. Na tu ol i no save long nem bilong Michael Somare olsem namba wan praim minista bilong kantri. Ol i no save tu olsem i gat wanpela Flai Riva provinsal gavman i stap.

Orait ol i lusim dispela ples na wokabaut i go kamap long Bere long Fogobi. Ol i kalapim bikpela maunten na wara bilong go long

hap na kaunim narapela 19 pipel. Orait bihain ol i go bek long Suabi.

Bibin i tok ol i no bungim ol pipel bilong ol narapela ples. Tasol em i ting i gat samting olsem 500 pipel i stap long ol hap bilong Apa Striklen senses divisen.

Em i tok ol pipel bilong dispela hap i no save sindaun long wanpela hap. Ol i lain bilong wokabaut na painim kaikai olsem ol tumbuna bilong ol long bipo. Olgeta taim, ol i save muv i go long ol nupela graun bilong wokim gaden.



• Bikpela Nomad Riva em 106 manmeri ya i save stap na painim ol abus olsem pis bilong kalkai.



• Tupela bilong ol lain Kisamb Leka i wok hat long putim banis long haus slip o kem bilong ol.

WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

BLAZ BIABIA IGO LONG STOP'N'STOP SUFA MAKET LONG BAIM KRISMAS KAIKAI...



TARANGU EM SANAP IGO 6-KILOK APINUN NA OL I PASIM DUA BILONG BAIM BIA...



TASOL PLANTI MANMERI NA EM SANAP LONG LAS STRET LONG BAIM KAIKAI...



BASAROS I BELHAT NA BIKMACIS LONG LAIN YET...



Fores dipatmen kamapim nupela polisi long helpim ol pipel

FORES Dipatmen bai stapim olgeta han bilong gavman, ol kampani na ol praivet grup long no ken baim moa ol sia, tebol, des, kabot na plaiwut dua long ol arapela kantri.

Na long wankain taim Dipatmen i painim nau ol rot long wokim ol dispela samting hia yet long PNG.

Dispela em wanpela long ol bikpela tingting insait long nupela Nesenel Fores Polisi em minista bilong Fores, Jack Genia i tokaut long en long las wik.

Dipatmen i laik statim ol faktori long kantri yet we i ken wokim ol dispela samting.

Ol narapela ol tingting long fores polisi em long:

- fores dipatmen bai was na katim go daun namba bilong ol plaiwut i kam insait long kantri inap long taim ol i putim takis long plaiwut;
- dipatmen bai stapim ol narapela gavman dipatmen, ol kampani na ol praivat grup long no ken baim moa ol sampela kain diwai long ovasis;
- ol lain husat i laik kismol ol timba i kam long ol narapela kantri i mas gat laisens. Wanpela grup bilong dipat-

men yet bai lukluk long dispela. Na dispela grup bai i no inap long givim laisens long oraitim ol kain timba we i gat pinis long PNG;

• olgeta gavman dipatmen na ol narapela han bilong gavman i ken kismol ol sampela kain timba tasol long ovasis long wokim haus. Wanpela lo bai kamap long sapotim dispela;

• wanpela stadi bai kamap long luk-save na painimaut ol rot bilong ol faktori long wokim ol tebol, sia, kabot na ol arapela samting. Stadi bai painimaut tu sapos dispela 3 pesen takis inap long kamapim ples bilong wokim ol dispela samting long kantri; na

• narapela stadi tu bai kamap long painimaut long hamas wan wan man, ol kampani na ol kain kain han bilong gavman inap long baim ol samting ol i wokim yet long PNG.

Bikpela tingting bilong Fores dipatmen long kamapim ol dispela senis em long wokim bai ol asples manmeri bilong PNG i kismol helpim bilong diwai bilong ol yet.



□ **KANAGE** go malolo long ples na draivim trakta i go antap long Raihu bris long Aitape. Em lukim meri Wapei saitim kona i kam. Hariap tru bol stapim trakta, kamautim poket naip na i laik hensapim meri Wapei na kisim mani bilong em. Bol kirap na tok, "Hen ap! Bodi o Kontek!" Meri Wapei i kalap nogut na krosim Kanage na tokim em, "Yu no wanpela man tru. Bun bilong graun i olsem paip bilong trakta yu sindaun antap long en." Pinis meri Wapei kirapim das na lus long Sen Ignatius haiskul.

Pascal Pandau
LAE

■ **KANAGE** drink long Yenkile klap long ples Kubuom na wokabout i go bek long haus wantaim wanpela botol bia. Ol plisman bungim em na tokim em long tromoi botol bia. Tasol Kanage i holim yet na tokim ol plisman olsem, "Mi i no inap tromoi, mani bilong mi i lus ya." Ol plisman belhat na paitim Kanage nogut tru. Kanage i pilim olsem em i laik dai stret, na i go long Fatima haus sik. Ol nesmeri askim Kanage long wanem sait bilong bodi i pen. Em i laik tokim ol nesmeri long ol sait bun bilong em i pen, tasol abrus na em i tokim ol olsem, "Em hia, dispela sait ya. Ol 'LAMP FLAPS' bilong mi i pen."

Pascal Pandau,
LAE.

□ **WANPELA** kusai man i bulsiti tru ol wanwok bilong Kanage olsem em i save wok long wanpela sip. Olsem na ol i larim em i slip wantaim ol. Tasol bihain Kanage i painimaut. Tasol bol i giamanim ol pinis olsem em bal "sall out" na i lus na i stap raun yet long siti. Ol wanwok i belhat na painim dispela giaman man i stap.

Kanage - MOSBI.

■ **KANAGE** i save wok long gavman opis. Wanpela potnait tambu meri bilong em Bolau i go lukim em long opis. Bolau lukim Kanage na kirap stailim stret long Inglis olsem, "Hei Kanags, What are tams fo? Bols here to see you." Ol wanwok bilong Kanage i harim na ting wanpela top meri stret i kam long lukim ol. Olgeta suvim het i go ausait long lukim wanem dispela meri i stailim nek olsem. Nogat. Ol i lukim wanpela naispela tit lus meri stret i sanap i stap.

James Nai,
MADANG.

□ **TRIPLELA** bol Sepik kirap long bikmoning tru na laik go stailim wanpela wan ensin balus long Boram ples balus. Wanpela i go insait na holim wii, na tupela i wok long suvim balus. Ol i suvim i go tasol balus i no stat, na ol sekuriti i kam holim ol. Bol husat i holim wii i kirap na tokim tupela poro bilong em olsem, "Em balus i gat wii olsem na i hat liklik. Neke talm bal mipela i flaim helikopta stret. Em lek ain ya, statim tasol na tekov, na mi yet bal kontrolim na ring tu."

Pobres Wanko,
SANDAUN.

■ **KANAGE** kisim sotgan bilong lapun kandre na go long bus. Na em i namba wan taim bilong em long yusim sotgan. Em lukim wanpela pik, na stat long givim bred na wara long sotgan. Em suvim i go insait pinis long paip bilong sotgan na tok, "Em nau, kisim em ... kisim em!" Tasol sotgan i no pairap na pik i ranawe. Kanage i ting ol man i save givim kaikai long sotgan. Na taim sotgan i pulap, bai em i kilim pik. Bol belhat olgeta na go bek long ples na hatim lapun kandre, "Mi givim kaikai long sotgan bilong yu tasol em i no kilim abus bilong mi. Ating em i mas kros long mi ya." Kanage kirap na paitim lapun kandre bilong em nogut tru na tok, "Yu save em Kanage's style! Yu lapun nogut yu dai i go, husat i save long yu. Yu go pas long matmat na bihain bai mi kam painim yu. Gut bai nau kandre."

Koiti Wape, KAVIENG.

Sentrel bai statim liklik bisnis opis

EDNA RAWALI i raitim

NUPELA opis bilong helpim ol manmeri bilong ples i statim ol liklik bisnis projek bilong ol bai stat neks yia long Sentrel provins.

Dispela opis bai ol i kolim Opis bilong Developmen Konsalten (ODC). Dispela nupela rot i bin kamaut long Sentrel provinsal asembli kibung taim ol i pasim 1992 baset bilong provins las wik.

Bai provinsal na nesenel gavman wantaim i bung na strongim dispela wok. Provinsal gavman i givim pinis K125,000 na nesenel gavman bai givim narapela K125,000 long neks yia.

Dispela opis bai helpim ol lain long ples husat i laik statim bisnis. Na tu strongim ol wok bisnis i stap pinis. Em bai kirapim tu ol bikpela bisnis na sapotim ol wok stadi long bisnis.

ODC bai givim ol ripot

bilong en long pinis bilong olgeta yia long provinsal gavman.

Baset bilong Sentrel provins long 1992 i lukluk long helpim olgeta manmeri long wok na sevis. Baset ya i gat K5 milien long yusim we kapitel wok i kisim K1.4 milien na winim ol arapela. Ol arapela 26 konstituensi bai kisim wankain sapot long K60,000 long ol projek bilong ol.

Ol arapela eria bilong mani i go long en em long asembli sevis wantaim K396,162,00 long baim ol wokman na alauwens bilong ol memba, opis bilong seketeri wantaim K51,000, divisen bilong polisi na plening wantaim K222,510, ekonomik sevis wantaim K50,000, komyuniti na administresen sevis wantaim K56,060, jenerel mentenens long rurel stesin na asples wantaim K120,000.

Haus sik bot bilong ol Manus popaia long Madang

BEN TAUMAI i raitim

OL sikman na meri long ol liklik ailan long Manus i no inap kam long bikpela haus sik long Lorengau bikos bot bilong ol, MV Hian o "solwara ambulens" nau i bagarap na i stap long Madang.

Gavman bilong Nu silan i givim MV Hian long Manus provinsal gavman long karim ol sikman na meri long ol liklik ailan bilong provins i go long bikpela haus sik long Lorengau. Na tu ol wokman na meri i save yusim bot long patrol. Kos bilong bot em inap olsem K500,000.

Kepten bilong bot, Timothy Butuwan i tok ol i kam long draidok long mun Ogas na ol i stap long Madang inap nau. Dispela long



• Rausim ensin bilong stretim...Kepten Timothy Butuwan (long namel) wantaim 4-pela kru bilong bot, M.V. Hian i sanap lukluk tasol i stap long EMS draidot long Madang. Ol i stap wetim ol wokman bilong rausim ensin bilong bot na stretim. Foto: Ben Taumai.

wanem i no gat gupela toktok namel long provinsal gavman na nesenel gavman bilong givim mani long stretim bot.

Kos bilong stretim bot nau i stap olsem K400,000 na antap long en i gat narapela K33,000 dinau em bot i yusim. Kepten

Butuwan i tok ol i wetim nau ol saveman bilong Hasting Deering Kampani. long Mosbi long go na rausim ensin bilong bot.

Tasol em i wari olsem ol i no kisim gupela toktok long Manus provinsal gavman long wanem samting bai kamap nau long bot.

Ol Wes Sepik pipel i daunim provinsal baset

FELIX RAMRAM i raitim

OL pipel bilong Wes Sepik i no amamas long mani em nesenel gavman i givim long provinsal baset.

Primia Egbert Yalu i bin tromoi strongpela toktok long dispela pastaim. Na nau wanpela komyuniti lida, Robert Weriye gen i autim tingting bilong em.

Weriye i tok planti yia i kam inap nau, nesenel gavman i no bin givim bikpela mani liklik long Wes Sepik.

Long dispela as, Wes Sepik i no kamap bikpela olsem ol arapela ples long Papua Niugini. Komyuniti lida Weriye i tok Aitape em i wanpela olpela taun tasol Wewak i bikpela winim Aitape. Na tu i no gat wanpela gupela wok o projek i kamap long Wes Sepik.

Weriye i tok nesenel gavman i bin givim K14.8 milien long Wes Sepik. "tasol dispela mani inap long mekim wanem kain wok?"

Em i tok bikpela hap bilong dispela mani bai i go long ol wok administresen. Na liklik tasol bai i go long ol arapela projek.

Weriye i tok, taim bilong kempen na planti politisen i toktok long kamapim rot na wokim bris. Olgeta samting ya i no kamap taim ol man husat i kempen i go long palamen.

Nau, wankain toktok gen i kamap long dispela yia. Ol projek i no karim kaikai bikos ol wokman i no save tingting long wok. Ol i stap nating bikos i nogat mani.

Na tu planti bikman i no sekap long ol biklain bilong graun. Planti ripot bilong ol wok i kamap long graun i save go sindaun nating long opis.

Primia Yalu i bin tokaut long provinsal baset long las kibung bilong asembli. Em i tok K12 milien bai go long wok administresen na K2 milien i bilong stretim ol arapela wok long provins.

Olsem na provinsal gavman bai wok hat long kisim mani bilong em yet

Yalu komplek long PTC telipon

WES Sepik Primia Egbert Yalu i no wanbel long PTC long kamapim nupela sas bilong telipon bil.

Las mun, PTC i katim olgeta telipon waia long Dipatmen bilong Wes Sepik.

Dispela hevi i kamap stret taim provinsal gavman i laik bung bilong toktok long baset bilong en. Yalu i tok pastaim tru sas bilong telipon i stap daunbilo. Tasol long dispela yia, telipon bil i go antap olgeta.

Olgeta wok long Dipatmen i stop taim i no gat telipon. Primia wantaim ol dipatmen het bilong em i laik

painim mani bilong baim teiipon long sampela hap.

Yalu i tok gavman i bin gat inap mani bilong baim telipon i stap. Tasol taim PTC i salim bil i kam, sas i abrusim tru mak.

Primia Yalu i tok mani bilong lektrik pawa, telipon, wara na ol arapela samting gavman i yusim i stap long baset bilong gavman. Tasol mak bilong dispela yia i abrusim tu mak i stap long baset.

Sas bilong yusim telipon nau long Vanimo i go antap long 35 toea long wan minit. Ausait sas em 75 toea long wan minit.

Madang oraitim tupela turis bodi long wok bung wantaim

MADANG provinsal gavman i oraitim pinis nupela lo bilong bungim wok bilong Madang Visitas Beru wantaim bilong Madang Kalserele Senta long las wik Fraide.

Dispela nau i min olsem tupela grup bai kam aninit long lukaut bilong wanpela bod.

Minista bilong Tred na Industri, Kalsa na Turisem, John Hicky i bin bringim dispela bil long provinsal asembli. Bikpela tingting em long mekim wok i kamap isi. Narapela as tingting i bilong apim nem bilong Haus Tumbuna nau i stap long mekim wok bilong turis i go bikpela na strong

Aninit long dispela nupela lo. Bod ov Dairekta bilong nupela bod tasol i gat pawa bilong tok orait long ol laisens bilong ol hotel, motel, ges haus na ol narapela manmeri i mekim wok bilong turis long provins.

Namba bilong bod nau em il-pela olgeta. Tasol aninit long lo, i mas gat sevenpela memba i stap long kibung bilong bod long tok orait long wanem ol kain nupela sevis bod i laik kamapim.

Hickey i tok em bai tok save long ol Bod ov Dairekta bilong bod long Provinsal Eksekutiv Kaunsil(PEC). Na em wok bilong PEC long lukluk long en

TU MINIT TINGTING

NAMBA WAN MIRAKEL BILONG JISAS

"Mama bilong Jisas i tokim em olsem, 'Ol i no gat wain.' " (Jon 2:3)

LONG Gutnius, olgeta taim Jisas i wokim wanpela mirakel, em i bin mekim bilong stretim wanpela bikpela sik o rong o asua o nid. Tasol em i wokim namba wan mirakel bilong em insait long pati marit bilong wanpela famili bilong liklik viles Kana, klostu long asples bilong em. Jisas i tanim wara i kamap wain, long wanem, em i no laik bai tupela yangpela marit i kisim sem.

Long pasin bilong ol Juda, wain em i nambawan bikpela samting bilong kaikai marit. Sapos i gat wain, i gat amamas. Tasol man i no save spak. Nogat. Wan wan i save dring inap long skel bilong em.

Long taim bilong Jisas, pati bilong marit i save go inap long wan wik stret. Na taim Jisas i bin kam long dispela pati long Kana, em i bin bringim ol dis-

aipel tu i kam wantaim. Ol disaipel ya ol i draipela bun i save mekim strongpela wok na tu ol i save pinisim planti wain. Olsem na ating wain i laik sot. Mama bilong Jisas i bin painimaut olsem. Tasol tupela yangpela marit i no save olgeta long en.

I luk olsem Maria em i wanfamili o wanlain bilong tupela marit. Na bikos Maria em i marit long taim pinis, ating tupela i bin askim em long bosim olgeta kaikai na dring bilong pati. Olsem na em yet i go pas long lukim wain i laik sot. Sapos pati i mas pinis, long wanem, i no gat wain moa, bai nem bilong tupela yangpela marit i rabis inap long planti yia; na marit bilong tupela bai stat nogut. Jisas i no laik bai dispela pati marit i pinis nogut. Olsem na em i wetim tok bilong bosmeri bilong pati, em i mama bilong

em yet.

Maria i tok nating olsem, "Ol i no gat wain." Tasol dispela hap tok em inap. Maria i save tumas long pikinini bilong em. Em i no mas askim em na plis long em long mekim wanpela samting. Nogat. Em i mas tok save tasol, na Jisas bai helpim em. Long taim Jisas j bekim tok long Maria olsem: "Dispela i no samting bilong mi. Em i samting bilong yu," Maria i save pinis, Jisas bai helpim em. Olsem na wantu Maria i givim oda long ol wokboi bilong pulapim ol sospen long wara. Na tru tumas, Jisas i bihainim laik bilong mama bilong em na i wokim namba wan mirakel bilong helpim tupela yangpela marit.

Em i lo bilong Jisas long bringim pasin hepi na amamas i kamap long famili o grup o laip bilong man o meri i singautim

em. Long tingting bilong Jisas, relisen na lotu em i samting bilong hepi na i no samting bilong pes drai na belpas. Olsem na em i wokim namba wan mirakel long taim na ples bilong amamas, em i long pati marit.

Ating Sen Jon yet i laikim dispela stori. Long wanem, em i bin tingim em yet bihain long 70 yia, long taim em i wok long raitim Gutnius bilong em. Ating Maria tu i bin helpim tingting bilong Jon, long wanem, em i bin sindaun wantaim em inap em i dai pinis.

Long Gutnius yumi inap lukim olsem wanem Maria i bin go pas long wokim rot bai Jisas i kam. Bikos Maria i bin poromanim em, Jisas i kamap namba wan taim long tempel. Bikos Maria i bin askim em, Jisas i wokim namba wan mirakel long Kana.



FRANK MIHALIC I RAITIM

Long taim Jisas i pinisim laip bilong em long diwai kros, Maria i sambai na strongim bel bilong em. Long taim sios bilong Jisas i kamap nupela long Pentekos, Maria i sambai gen.

Em i lo bilong gutpela mama, sapos nupela pikinini i kamap, sapos nupela laip i kamap, mama i sambai.

Sir Michael wantaim 10-pela arapela pipel kisim awot bilong Pop

RUDOLF AYU i raitim

ASBISOP bilong Mosbi Katolik Asdaiosis, Sir Peter Kurongku i amamasim 25 krismas bilong em long wok pater long wanpela lotu long Sarere Desemba 21, 1991. Na givim 11-pela medal o awot bilong sios i go long 11-pela manmeri long Mosbi. Namel long ol dispela 11-pela manmeri em wanpela sinia gavman minista.

Moa long 200 manmeri na pikinini i kamap lotu long amamasim 25 krismas bilong Asbisop Sir Kurongku long Sen Mary's Katodrel long Mosbi.

Dispela lotu i kamap tu long amamasim 25 krismas bilong Katolik Asdaiosis bilong Mosbi.

Asbisop Kurongku i bin kisim odinesen bilong kamap pater long Desemba 21, 1966 long Not Solomon provins. Na long 10-pela yia olgeta nau, em i bin Asbisop bilong Mosbi Asdaiosis.

Insait long dispela lotu, Bisop Kurongku i givim 11-pela medal o awot bilong sios i go long 11-pela memba bilong Katolik sios long Mosbi.

Ol dispela awot i kam long nem bilong Pop John Paul II.

Ol lain husat i kisim dispela awot i bin givim bikpela helpim long developim Katolik sios insait long Mosbi Asdaiosis. Dispela em long 20 yia olgeta nau.

Namel long ol dispela lain em Rijonel Memba bilong Is Sepik na Foren Afeas Minista, Sir Michael Somare. Sir Michael i kisim awot bilong "Grand Cross of St Gregory".

Asbisop Kurongku i tok, "Sir Michael em ol i save kolim em olsem papa bilong Papua Niugini tasol em i no papa bilong PNG tasol, em i piksa bilong wanpela gutpela Katolik pater na politisian."

Menesing Dairekta bilong Milen Be Airways, John Wild na Thomas Abraham Habe bilong Rigo, Sentrel provins tupela wantaim i kisim awot bilong "Grand Cross of St Silvester".

Ol arapela lain husat i kisim medal em Misis Igo Merilyne, Patrick Ani, Sista Veronica, Sista Elaine, Ronald Maisape, na Lucy Pamahun.

Wanpela we ol i makim ol dispela lain em sios memba i mas wanpela strongpela hat wok man bilong sios long Mosbi moa long 20 yia.



• Asbisop Kurongku (lephan) wantaim Rijonel Memba bilong Is Sepik na Foren Afeas Minista, Sir Michael Somare (namel) na Misis Merilyne Igo. Sir Michael na Misis Igo i solim awot bilong tupela long sevis tupela i givim i go long Katolik Asdaiosis long Mosbi. Poto IVAN BAYAGAU.


Ileksen De bilong Papua Niugini, Me - Jun 1992

Gavana Jenerel bilong Papua Niugini i tok orait long dispela taimtebol:

Givim ol Pepa bilong Vot	4 klok apinun	26 Mas, 1992
Ol Nominesen i pas	12 klok (belo)	24 Epril, 1992
Stat long Kaunim ol Vot		13 Jun, 1992
Pinis long Kaunim ol Vot		27 Jun, 1992

POTO BILONG OL KENDIDET

Olgeta lain husat i laik resis long Namba 5 Nesanel Palamen Jenerel ileksen long 1992 i mas salim tupela poto i kam hariap. Dispela poto i ken kala o blak na wait tasol. Na bikpela bilong ol poto i mas wankain olsem dispela i save stap long paspot (tok orait buk bilong go long ovasis). Olgeta nominesen bai pas long 24 Epril, 1992. Olsem na salim ol poto i kam pastaim long dispela de.



Authorised by
Reuben Karulo,
Electoral
Commissioner Papua
New Guinea

Raitim nem long baksait bilong ol poto. Na salim i kam long dispela adres:

Electoral Commissioner,
Electoral Commission
P.O. Box 5348,
Boroko,
National Capital District.

Salim tu ol negetiv bilong poto i kam.

Putim long nem bilong: Mista Michael Malabag

OL PABLIK SEVAN MAS LUSIM WOK

Husat Pablik Sevan i laik resis long ileksen i mas lusim wok bilong em pastaim long 25 Septemba, 1991. Long wanem dispela bai givim em sans bilong aplai gen long wok sapos em i lus.

Kisim moa tok save long Mista Malabag long telipon namba 25 9110.




ISLANDS AVIATION

RABAUL'S REGIONAL AIRLINE

The Management and Staff of Islands Helicopters Services and Islnads Aviation wishes to extend its appreciation to all it's valued patrons over the past year a very Merry Christmas and A Prosperous New Year in 1992.

The patronage of our clients is the yardstick to our continued success and we would like to thank you all for being an intricate part of our progress. To those of you who have not yet sampled our friendly service we look forward to meeting with you when you next travel in 1992.

**Welcome Aboard.
Merry Christmas
and a Happy New Year**



SCHEDULES ARE BASED ON LATEST INFORMATION AND ARE SUBJECT TO CHANGE WITHOUT NOTICE. SUBJECT TO CAA APPROVAL

Phone: Reservations: 92-3500
Park St. Office 92-3550
Charters: 92-2900
Airport: 92-2900

**REGULAR PASSENGER AND FREIGHT SERVICES TO THE ISLANDS REGION
SCHEDULE Effective 23rd December 1991**

MONDAY					TUESDAY					WEDNESDAY					THURSDAY					FRIDAY					SATURDAY									
FLT	DEP	FROM	TO	ARR	FLT	DEP	FROM	TO	ARR	FLT	DEP	FROM	TO	ARR	FLT	DEP	FROM	TO	ARR	FLT	DEP	FROM	TO	ARR	FLT	DEP	FROM	TO	ARR					
450 DH6	0730	RAB	ATN	0755	450 BN2	0730	RAB	ATN	0755	450 DH6	0730	RAB	ATN	0755	450 BN2	0730	RAB	ATN	0755	450 BN2	0730	RAB	ATN	0755	450 BN2	0730	RAB	ATN	0755	450 BN2	0730	RAB	ATN	0755
451 DH6	0805	ATN	RAB	0830	451 BN2	0805	ATN	RAB	0830	451 DH6	0805	ATN	RAB	0830	451 BN2	0805	ATN	RAB	0830	451 BN2	0805	ATN	RAB	0830	451 BN2	0805	ATN	RAB	0830	451 BN2	0805	ATN	RAB	0830
452 BN2	1600	RAB	ATN	1625	452 BN2	1530	RAB	ATN	1550	452 DH6	1600	RAB	ATN	1625	452 BN2	1530	RAB	ATN	1550	452 DH6	1600	RAB	ATN	1625	452 BN2	1330	RAB	ATN	1350					
453 BN2	1635	ATN	RAB	1700	453 BN2	1605	ATN	RAB	1625	453 DH6	1635	ATN	RAB	1700	453 BN2	1605	ATN	RAB	1625	453 DH6	1635	ATN	RAB	1700	453 BN2	1405	ATN	RAB	1425					
470 DH6	0800	RAB	TLO	0825	470 BN2	0800	RAB	TLO	0830	470 DH6	0800	RAB	TLO	0825	470 BN2	0800	RAB	TLO	0830	470 BN2	0800	RAB	TLO	0830	470 BN2	0800	RAB	TLO	0830					
0835	TLO	GOE	0900	0845	TLO	GOE	0910	0835	TLO	GOE	0900	0840	TLO	GOE	0910	0840	TLO	GOE	0910	0840	TLO	GOE	0910	0840	TLO	GOE	0910							
0910	GOE	JAQ	0920	0920	GOE	JAQ	0930	0910	GOE	JAQ	0920	0920	GOE	JAQ	0930	0920	GOE	JAQ	0930	0920	GOE	JAQ	0930	0920	GOE	JAQ	0930							
471 DH6	0930	JAQ	GOE	0940	0940	JAQ	UVO	1005	471 DH6	0930	JAQ	GOE	0940	473	0940	JAQ	UVO	1005	471	0940	JAQ	GOE	0950	475	0940	JAQ	RAB	1030						
0950	GOE	TLO	1015	473	1015	UVO	RAB	1125	0950	GOE	TLO	1015	1015	UVO	RAB	1125	1000	GOE	TLO	1030	1030	GOE	TLO	1030	1030	GOE	TLO	1030						
1025	TLO	RAB	1050	BN2	1025	TLO	RAB	1050	1025	TLO	RAB	1050	1025	TLO	RAB	1050	1140	TLO	RAB	1110	1140	TLO	RAB	1110	1140	TLO	RAB	1110						
494 DH6	0730	RAB	BUA	0840	490 DH6	1215	RAB	BUA	1325	494 DH6	0730	RAB	BUA	0840	490 DH6	1215	RAB	BUA	1325	494 DH6	0730	RAB	BUA	0840	490 DH6	0730	RAB	BUA	0840					
495	0910	BUA	RAB	1020	491	1355	BUA	RAB	1505	495	0910	BUA	RAB	1020	491	1355	BUA	RAB	1505	495	0910	BUA	RAB	1020	491	0910	BUA	RAB	1020					
492 DH6	1215	RAB	IIS	1310	491	1355	BUA	RAB	1505	492 DH6	1215	RAB	IIS	1310	491	1355	BUA	RAB	1505	492 DH6	1215	RAB	IIS	1310	491	0910	BUA	RAB	1020					
1320	IIS	BUA	1335	491	1355	BUA	RAB	1505	1320	IIS	BUA	1335	491	1355	BUA	RAB	1505	1320	IIS	BUA	1335	1020	BUA	RAB	1020									
491	1415	BUA	RAB	1530	491	1355	BUA	RAB	1505	491	1415	BUA	RAB	1530	491	1355	BUA	RAB	1505	491	1415	BUA	RAB	1530	1020	BUA	RAB	1020						
DH6					DH6					DH6					DH6					DH6					DH6									
476 BN2	0700	RAB	OPB	0730	480 DH6	0700	RAB	BAA	0745	476 BN2	0700	RAB	OPB	0730	480 BN2	0700	RAB	BAA	0755	480 DH6	0700	RAB	BAA	0745	476 DH6	0700	RAB	OPB	0730					
0740	OPB	ULE	0800	0755	BAA	HKN	0815	0740	OPB	ULE	0800	0805	BAA	HKN	0830	0755	BAA	HKN	0815	0740	OPB	ULE	0800	0740	OPB	ULE	0800							
0810	ULE	BAA	0830	0835	HKN	KDR	0905	0810	ULE	BAA	0830	0845	HKN	KDR	0925	0835	HKN	KDR	0905	0810	ULE	BAA	0830	0810	ULE	BAA	0830							
0840	BAA	HKN	0900	0925	KDR	HKN	0955	0840	BAA	HKN	0900	0935	KDR	HKN	1015	0925	KDR	HKN	0955	0840	BAA	HKN	0900	0840	BAA	HKN	0900							
0930	HKN	UVO	1000	1025	HKN	BAA	1045	0930	HKN	UVO	1000	1045	HKN	BAA	1110	1025	HKN	BAA	1045	0930	HKN	UVO	1000	0930	HKN	UVO	1000							
1010	UVO	FUB	1025	1055	BAA	RAB	1140	1010	UVO	FUB	1025	1120	BAA	RAB	1215	1055	BAA	RAB	1140	1010	UVO	FUB	1025	1010	UVO	FUB	1025							
1035	FUB	GMI	1050					1035	FUB	GMI	1050									1035	FUB	GMI	1050	1035	FUB	GMI	1050							
477 BN2	1100	GMI	KDR	1130					477 BN2	1100	GMI	KDR	1130									477 DH6	1100	GMI	KDR	1130								
1140	KDR	HKN	1220					1140	KDR	HKN	1220									1140	KDR	HKN	1220	1140	KDR	HKN	1220							
1250	HKN	BAA	1310					1250	HKN	BAA	1310									1250	HKN	BAA	1310	1250	HKN	BAA	1310							
1320	BAA	ULE	1340					1320	BAA	ULE	1340									1320	BAA	ULE	1340	1320	BAA	ULE	1340							
1350	ULE	OPB	1305					1350	ULE	OPB	1305									1350	ULE	OPB	1305	1350	ULE	OPB	1305							
1415	OPB	RAB	1445					1415	OPB	RAB	1445									1415	OPB	RAB	1445	1415	OPB	RAB	1445							
454 BN2	0830	RAB	ATN	0850	454 BN2	1300	RAB	ATN	1320	456 BN2	0830	RAB	ATN	0850	460 DH6	0700	RAB	ATN	0720	458 BN2	0930	RAB	ATN	0950	464 DH6	1200	RAB	KVG	1300					
0905	ATN	LNV	0925	1335	ATN	LNV	1355	0905	ATN	BOV	0935	0735	ATN	BOV	0805	1005	ATN	BOV	1035	1200	RAB	KVG	1300											
455 BN2	0935	LNV	ATN	055	455 BN2	1405	LNV	ATN	1425	457 BN2	0945	BOV	LNV	1010	0815	BOV	LNV	0835	1045	BOV	MKN	1115	1320	KVG	MPU	1350								
1010	ATN	RAB	1030	1435	ATN	RAB	1500	1020	LNV	ATN	1040	0845	LNV	MPU	0910	1125	MKN	MGP	1145	1400	MPU	LNV	1425											
								1055	ATN	RAB	1115	0920	MPU	KVG	1000	1205	MGP	RAB	1225	1435	LNV	BOV	1455											
												1030	KVG	RAB	1125					1505	BOV	ATN	1535											
																				1550	ATN	RAB	1610											
468 BN2	1130	RAB	MGP	1210					466 B58	1030	RAB	KVG	1115					466 B58	1030	RAB	KVG	1115												
1220	MGP	MKN	1240					1145	KVG	MWU	1220					1145	KVG	MWU	1220															
1250	MKN	BOV	1315					1230	MWU	EMI	1240					1230	MWU	EMI	1240															
469 BN2	1325	BOV	ATN	1350					1250	EMI	KVG	1315					1250	EMI	KVG	1315														
1405	ATN	RAB	1430					1345	KVG	RAB	1430					1345	KVG	RAB	1430															

AIRCRAFT AVAILABLE FOR CHARTERS: BELL 206 LONGRANGER HELICOPTER, DHC6 TWIN OTTER, Britten Norman Islander, Beechcraft Baron B58 and Cessna 206

Competitive Cargo Rates. Computerised Reservation Bookings and a Reliable Service to the Islands Region.

Check in time 45 minutes before Departure time.

ABBREV PORTS OF CALL	Bialla Boang Buka Emirau Fulleborn Gasmata	BAA BOV BUA EMI FUB GMI	Gonalia Hoskins Jacquinol Bay Kandrian Kavieng	GOE HKN JAQ KDR KVG	Londolovit Malekolon Mussou Manga Mapuu Nissan	LNV MKN MWU MGP MPU IIS	Namatani Open Bay Rabaul Sule Tol Uvol	ATN OPB RAB ULE TLO UVO
-------------------------	---	--	--	---------------------------------	---	--	---	--

*** AIR NIUGINI ARE OUR AGENT AT BOTH KAVIENG AND KIMBE FOR TICKET BOOKINGS**

OL LIKLIK NIUS

Bom kilim 13 pipel

INDIA: Bom i bin bruk na kilim 13 manmeri na bagarapim 20 arapela pipel long Punjab siti bilong Ludhiana. Dispela em klostu long rot we ol ka i pulap tru long en. Plis i ting olsem ol Sikh birua grup i mekim dispela.

Ol plisman paiarim diages

PAKISTAN: Plis i paitim na tromoi tiages long planti manmeri husat i protes i go long palamen. Olpela praim minista, Benazir Bhutto i go pas long dispela protes. Bikos em i tok ol loman i bagarapim wanpela poro meri bilong em, Farhana Hayat. Ol manmeri husat i protes i tromoi ston na bagarapim sampela plisman tu.

Polan sapatim nupela PM

POLAN: Palamen long Polan i strongim praim minista, Jan Olszewski long stap yet olsem praim minista bihain long em i laik risain. Em i raitim pas na toksave olsem em i laik risain. Bikos tupela pati ol i bung wantaim i lusim gavman bilong em.


Jan Olszewski em olpela loya. Na em i kamap praim minista long 13 de i go pinis taim dispela samting i kamap. Tasol palamen i no oraitim dispela tingting bilong em long risain. Olsem na ol i givim em strongpela sapat na votim em long kamapim nupela gavman.

Ol ami sutim pipel

PARIS-INDIA: Ol pipel bilong Djibouti husat i stap ausait long ovasis i sutim tok long ami bilong gavman long sutim 210 manmeri i dai long Red Sea Stet. Redio long Djibouti i tok 8-pela lain wantaim tripela ami na 26 arapela i kisim bagarap long dispela.

Khmer Rouge kam bek

FILIPINO AILAN: Ol lida bilong Keme Ru bai kam bek long Phnom Penh, na kamap long Suprim Nesenel Kaunsil kibung long Kembo-dia. Ripot i tok ol lida ya i bin ranawe long Novemba 27 taim sampela lain i bel hat na bagarapim hetkota bilong ol.



• Ol plisman long Inglan i palnim wanpela we pinis bilong stapim ol ka long spli. Ol i yusim ol glaman patrol ka em ol i mekim na sanapim long kain kain kona bilong ol rot. Ol draiva husat i spli i kam na ilukim bai ting olsem em i trupela plis ka, na bai draiv isi tasol.

Nupela Praim Minista bilong Australia- Paul Keating

MAMA i karim em long Sydney long Jenuari 18, 1944.

Em i go skul long De La Salle Koles long Bengston na bihain em i wok olsem rises opisa wantaim Federetet Munisipel na Shire Kaunsil Emplois Yunien bilong Australia.

Em i joinim Leba Pati bilong Australia taim em i gat 15 krismas long 1966. Em i kamap presiden bilong Nu Saut Wels Yut Kaunsil, hap grup bilong Yut Leba.

Em i bin kamap long Haus bilong Representativ long sia bilong Balkslen, NSW ilektoret. Em i bin kamap minista bilong Noten Australia long Oktoba inap Novemba, 1975.

Em i joinim oposisen na kamap was minista long Jenuari 27, 1976 inap long Mas 25, 1976 em i kamap mausman bilong Agrikalsa.

Long 25 Mas, 1976 i go long Novemba 23,

1980 em kamap mausman bilong Minerel na Eneji na long Novemba 23, 1980 inap long Jenuari 14, 1983 em kamap mausman long Risos na Eneji. Em i bin mausman long wok Treseri long Jenuari 14 inap long Mas 5, 1983.

Em i kamap presiden bilong NSW brens bilong Leba Pati long Septemba 1979 inap long Februari 1983.

Taim Leba Pati i winim ileksen long Mas 5, 1983, Mista Keating i kamap tresera. Em i holim dispela wok inap Desemba 1984, Julai 1987 na go insait long ileksen long 1990.

Long 1984, em i bin kisim luksave olsem gutpela Fainens minista bilong ya. Dispela em long ripot bilong fainens ekonokik nius ripot.

Em i bin kamap namba tu Praim Minista long Epril 4 1990.

Em i namba tu siaman bilong komiti grup bilong kabinet long


skelim ripot long mani i go aut, em i memba bilong palamen bisnis, Strakserel Edjamen na Sosel na Famili Polisi komiti. Em i siaman long Australia Lon Kaunsil.

Olsem Tresera, Mista Keating i gat wok long dipatmen bilong Treseri, Royel Australia Mint, Australia Bureu ov Statistik, Takis Opis, Komenwel Beng Kopresen, Foren Invesmen Riviu Bod, Insurenens na Suparenuesen Komisn, Prais Sevens Atoriti, Risev Beng vo Australia na Industri Komisn.

Mista Keating i bin lukim bikipela wok senis bilong bisnis na ikonmik long Australia long wol woa 2 inap long nau. Insait long dispela em senis long prais na strong bilong mani long Fainens Industri na long Australia dola long 1983 na ol wok bilong ovasis beng insait long Australia long 1985.

Senis long takis i bin opim inkam takis long 1985, daunim ol arapela takis i kam daun long 1986 na 1987. Nupela sistem bilong

Imputesen bilong kampani takis long dispela taim i bin daunim ol dabol takis bilong dividen o mani i kam insait long profit.



• Paul Keating .. nupela prais minista.

Isrel skruim kibung wantaim ol Arab kantri i go moa yet

AMERIKA: Isrel i skruim pinis kibung bilong ol wantaim ol Arab kantri i go long Janueri 7, 1991. Ol Arab i bin traim long stretim toktok wantaim Isrel inap wanpela wik nau.

Sampela de i go pinis, ol arapela kantri i traim long bringim sampela gutpela aidia long pinisim hevi namel long ol Palestain na Isrel. Tasol Isrel i kros na i no laik. Ol bikman bilong Arab i go het yet long stretim ol dispela hevi. Ol i tok Isrel i laik ranawe long toktok bilong graun, na hevi ol i bungim long planti ya i go pinis.

Tasol ol opisa bilong Isrel i tok ol i mas go bek long kantri bilong ol yet, na askim gavman long sampela moa aidia bilong stretim dispela hevi.

Mausmeri bilong Palestain, Hanan Ashrawi i tok ol bikman bilong Isrel i no redi long toktok. Olsem na ol i traim long ranawe hariap i go long ples bilong ol.

"Mipela i kam long stretim dispela

hevi. Tasol Isrel i kam long skruim taim na mekim giaman toktok." Ashrawi i tok. Palestain na Isrel i no sindaun gut wantaim long toktok long dispela hevi. Bikos ol i no inap toktok gut long Palestain bai joinim Jordan.

Tasol long wankain taim, Isrel i tok-tok wantaim Lebanon na Siria long kibung bilong ol yet. Dispela toktok i no kamapim wanpela gutpela aidia yet.

Nau tripela kantri i tingting long toktok gen bihain long tripela wik long stapim ol arapela hevi bihain.

Mausman bilong Isrel, Benjamin Netanyahu i tok ol i gat sans long lukim wanem hevi ol i gat. Na tu long luksave long ol pipel bilong mipela.

Ol opisa bilong Arab i no wan bel long Isrel. Bikos ol i no laik givim bek graun ol i bin kisim taim-ol i winim woa long 1967.



• Fe Frialde (lephan) na Maryin Gonzales i lairim ol presen aninit long dispela spesel dol bilong Pater Krismas. Klos bilong pater krismas ya ol i meki long stro pepa bilong rais tasol.

King Zulu les long kibung

OL lida bilong Zulu i no laik kamap long kibung bilong wokim nupela mama lo bilong Saut Afrika.

Sief bilong ol lain Zulu, Mangosuthu Buthelezi i mekim dispela bikos em i laik bai narapela mausman i mas makim Goodwill Zwelithini, king bilong Zulu, long dispela kibung. Kibung i mas i gat moa long 20 politikel pati, pawa bilong ol i mas wankain na king i no ken go pas long ol toktok.

Sief Buthelezi bai i go pas long ol lain bilong em long Inkatha Fridom Pati. Em i tok em i no inap go long dispela kibung bilong strongim domekresi bilong Saut Afrika sapos King yet i laik go pas long ol toktok

samting.

Tasol i gat bilip olsem ol grup bilong Inkatha bai go long dispela kibung. Ol toktok bilong Sief bilong ol bai givim hevi long em yet na i no olgeta lain bilong pati.

Ol bikman na saveman i lukim dispela olsem pasin bilong strongim ol lida long toktok long kibung ya. Dispela i no inap long brukim Inkatha long ol arapela grup na samting ol i laik kamapim.

Insait long dispela kibung, ol mausman bilong King Goodwill bai go antap liklik bikos ol lida na mausman bilong Inkatha tu bai kam. Na Sief Buthelezi yet bai o pas long ol toktok.



• Nelson Mandela na de Klerk (raithan) i bung bipo long televisen pres konprens we tupela i kros. Klerk i sutim tok long Afrika Nesene Kongres, husat em Mandela i lida long bagarapim sampela plen bilong rausim apatait sistem long Saut Afrika, Na Mandela ken i sutim tok long Klerk.



• Olpela lida bilong Is Jemani, Honecker na meri bilong em i laik kisim balus i go long komis No Korla, tasol tupela i no kisim tok orait. Ol i tokim tupela long go bek long Jemani. Olpela komis Is Jemani i bung nau wantaim Wes Jemani olsem wanpela kantri tasol.

Amerika orait long bagarapim ol bom long Rasia

AMERIKA i orait long helpim tupela biktaun bilong Rasia long rausim ol samting bilong pait em Rasia i gat long en. Tupela biktaun ya i laik kamap olsem stet bilong tupela yet na i no laik long holim ol samting bilong pait.

Tupela biktaun ya em Baelorusia na Ukraine. Ol lida bilong ol i bin bung wantaim Seketeri bilong Stet long Amerika, James Baker long toktok long dispela.

Presiden bilong Kasakstan Stet, Nursultan Nazarbayev i tok stet bilong em i no inap long rausim ol samting bilong pait inap ami bilong Rasia i lusim em olgeta.

Dispela tingting bilong lusim ol samting bilong pait long bikpela kantri Rasia i bihainim toktok em Seketeri bilong Stet long Amerika i bin tokaut long en. Em i tok ol i mas bungim ol samting bilong pait i go bek aninit long wanpela bos tasol. Ol wan wan biktaun na stet insait long Rasia i laik kamap stet bilong ol yet. Olsem birua pasin i wok long kamap nambaut.

I gat pret olsem dispela tingting bilong Kasakstan stet bai bagarapim tu tingting bilong Baelorusia na Ukraine long rausim ol samting bilong pait na stap olsem fri stet. Long kibung, Presiden Shushkevich bilong Baelorusia i tokim James Baker olsem ol lain bilong em i gat laik long stap fri stet na lusim ol samting bilong pait.

Presiden bilong Ukraine i tokim Baker olsem ol lain bilong em tu bai i stap fri na rausim ol samting bilong pait. Olsem na ol i laikim Amerika i helpim ol na rausim ol samting bilong pait i stap long hap bilong ol hariap. Ol opisa bilong Amerika husat i raun wantaim Baker long dispela hap i tokaut tu long dispela samting em tupela biktaun long Rasia i laik kamapim.

Your overseas Christmas call could win you K105!

From now until January 1st, Business and Residential subscribers on the Ela Beach and Gerehu exchanges making IDD calls to Band 3 countries, could win one of 30 Phone Bill credits valued from K50 to K105!

10 PRIZES of K105
10 PRIZES of K 85
10 PRIZES of K 50


To be drawn on January 29th, 1992. Winners will be announced in the press, on 31st, January 1992 and informed by mail.

Here's What To Do:—

- ★ Make any number of IDD calls to any country on the K3.50 per minute IDD rate.
- ★ Each of the call duration must be 15 minutes or more.
- ★ Calls must be dialled between the 18th & 31st December 1991
- ★ At the back of an envelope, write your: Name: Phone Number: IDD Country Code & No. you dialled: Date of call and call Duration
- ★ Then mail envelope to.

Dial an IDD Competition,
Post & Telecom,
c/o P.O. Box 6079,
BOROKO, NCD.

NB. PTC employees and their families are not eligible to take part



Post & Telecom

Keeping you in touch



OL PAS SPESEL



Ol marit man tasol mas yusim kondom

Dia Edita,
 Mi bin ritim *Wantok Nuspepa* Namba 908 bilong Novemba 28, 1991. Insait long dispela nuspepa, mi ritim ol stori na ripot bilong sik AIDS, we i makim bikpela Wol AIDS De.
 Em i gutpela long dispela kain ripot i kamap long nuspepa, bai olgeta pipel bilong Papua Niugini i ken lukim, na abrusim dispela sik nogut.
 Tasol wanpela samting em Dipatmen bilong Helt i bin printim kamap em i no gutpela olgeta long tingting blong mi. Em i olsem: Tru sik AIDS i save kamap long pasin pamuk. Tasol i no long ol arapela sik nambaut.
 Na tu em i no gutpela long yusim kondom. Tru em i gutpela long man i ken yusim kondom long slip wantaim meri. Tasol em i mas yusim kondom long slip wantaim meri tru bilong

em. Long dispela em bai i gutpela sapos tupela i tok orait long i no ken kamapim planti pikinini.
 Long tingting bilong mi, mi skelim olsem kondom i no gutpela long man i yusim na mekim pasin pamuk wantaim ol meri nambaut. Long wanem dispela em pasin pamuk long ai bilong God.
 Mi bin ritim narapela hap tok we i tok olsem: "Ol man i mas yusim kondom o gumi olgeta taim. Dispela em long taim ol i laik slip o prenim wanpela meri."
 Dispela hap tok i no gutpela tumas. Long bilip bilong mi, pasin pamuk bai i go bikpela na bagarapim kantri bilong mipela. Bikos ol man bai yusim dispela long mekim pasin pamuk wantaim planti meri. Na dispela em sin long ai bilong God.
 Kondom em gutpela samting long marit

man tasol i yusim.
 Mi laik mekim wanpela toktok olsem Baibel i tok, manmeri i no ken yusim bodi bilong ol long mekim pasin pamuk. God em i baim bek yumi long blut bilong Jisas Kraus. Blut bilong Jisas Kraus i dia tumas we i no olsem silva o gol (Pita 1: 18-19).
 Bilong wanem na sik AIDS i no gat marasin bilong em? Mi ting dispela sik i no kamap nating. Mi bilip tru olsem God i salim dispela sik nogut i kam long graun. Bikos God yet i lukim olsem dispela graun i pulap na bagarap long pasin pamuk.
 Yupela ol meri tu i no save opim maus na toktok long man na abrusim dispela pasin. Long dispela as tasol na yupela ol meri tu i save kisim sik AIDS.
 Mi wanpela yangpela boi husat i no marit

yet. Tasol mi painimaut long dispela samting na mi laik tokaut long yupela.
 Mi no wan bel long

toktok bilong helt dipatmen long skulim ol man long yusim kondom. Dispela i min olsem namba bilong ol

manmeri husat i kisim AIDS bai goap moa.

J. Augustine GOROKA

Mejistret meri paul

Dia Edita,

Sios na gavman man wok bung

Dia Edita,
 Mi laikim olsem helt dipatmen long kantri i mas wok bung wantaim ol sios long daunim sik AIDS. Dispela i go tu long ol arapela kantri.
 Dispela em i gutpela bikos ol man em bikpela samting long ai bilong God. Hia em sampela tingting bilong mi:
 1. Helt dipatmen na sios i mas wok strong wantaim long skulim ol manmeri long toktok bilong God long abrusim sik AIDS.
 2. Helt Dipatmen na sios i mas tokaut stret olsem kondom em i samting bilong ol marit man tasol long yusim.
 3. Man na meri husat i marit pinis i mas stap wantaim man o meri bilong em tasol, olgeta taim.
 4. Helt na sios i mas tokaut strong long man i no ken yusim kondom nating nating long bagarapim bodi bilong em yet.

Sapos man o meri i laik mekim pasin pamuk, orait dispela man o meri i mas marit kwik. Em bai i gutpela. Bikos nogut dispela man o meri i no save olsem AIDS i stap insait long wanpela bilong tupela, na bai givim narapela.
 Sapos em i tru olsem Papua Niugini em i wanpela kristen kantri, mi no laikim ol man i yusim kondom long mekim pasin pamuk wantaim ol arapela meri nambaut.
 God i laikim bodi bilong mipela i stap holi long ai bilong em, long taim mipela i no marit yet. God i gat bikpela laik tru long mipela.
 Dispela graun i pulap long pasin pamuk. Olsem na God papa i salim dispela sik i kam. Long dispela as na ol manmeri bilong dispela graun i no painim wanpela marasin yet bilong stapim sik ya.

Joseph Augustine GOROKA

David J. BIALLA

Ol meri Tolai save les tumas

Dia Edita,

Mi laik autim tingting bilong mi long wanem samting mi lukim i no stret long ai bilong mi long Rabaul maket.

Mi save lukim ol meri Tolai i save baim ol samting long Rabaul maket, na ol i save go na skelim liklik, na bihain ol i save salim gen.

Nau mi laik tokim ol stret olsem yupela ol asples i gutpela sapos yupela i planim kaikai long han bilong yupela yet, na karim i kam salim.

Mi ken tokim yupela stret olsem no gat sem bilong yupela ol asples.

Rachael Ipson KIMBE

Sekim tupela stua long Ramu suga No ken kros nating ya!

Dia Edita,

Mi wanpela manki Goroka, tasol nau mi mi wok wantaim Ramu Suga kampani na stap long hap. Mi laik komplem long pasin em tupela stua long Ramu i save mekim.

Taim pe de bilong Ramu Suga kampani i kamap, dispela tupela stua i save apim prais bilong ol kaikai na arapela samting long stua. Na long lus wik, tupela save daunim prais.

Mi ting dispela kain pasin i no gutpela tumas long ai bilong olgeta manmeri long Ramu. Long dispela kain pasin tasol na mipela i no gat inap mani bilong baim kaikai long lus wik.

Mi no save sapos ol stua long narapela hap i save mekim olsem tu o no gat?

Plis ol bos bilong dispela tupela stua, traim na lusim prais bilong ol kaikai na samting i stap wankain liklik.



Dia Edita,
 Mi laik komplem long pasin sampela meri i save mekim. Dispela em long pasin bilong kros nating, o kisim rong tingting long wanpela man.

Yupela ol meri i mas harim gut toktok, na bihain yupela i ken bekim toktok. Bikos yupela i no harim gut toktok, na kirap kros nating.

Bikos wanpela taim mi wantaim Brata Mex i stap long veranda bilong haus na wanpela meri i wok-abaut i kam. Brata Mex i kirap na tokim meri ya olsem: "Kain gras bilong yu i olsem bilong mi."

Man, meri ya i kirap tasol na krosim em nogut tru. Em i krosim Brata Mex olsem, "Yu tok nogut long mi long wanem?"

Dispela kain pasin em rabis tru. Olsem na mi laik tokim yupela ol kain meri olsem long rausim dispela pasin.

Elias Blaun WEWAK

Olgeta pipel mas i gat sot gan long lukautim ol yet

Dia Edita,
 Mi wanpela manki Lanekep long Wabeg insait long Enga provins. Long Enga provins na Papua Niugini wantaim, mi lukim olsem planti manmeri i wok long indai long sot gan.
 Olsem na mi askim nesenel gavman long oraitim olgeta praivet kampani long salim sot

gan. Bai olgeta pipel i ken baim na karim raun long lukautim ol yet.

Mi tok olsem bikos ol raskol i save yusim sot gan nau long kilim ol man nambaut olsem ol bikman bilong mipela.

Sapos olgeta manmeri i gat sot gan, ol raskol bai tingting planti.

Ene Karap Lupumanda-Enga

Kavieng Taun Kaunsil kisim K10 fain nating

Dia Edita,

Mi laik autim bikpela wari bilong mi i go long Kavieng Taun Kaunsil.

I no gat pablik toilet na wara long taun. Na tu i gat planti pipia i pulap long taun long ol hap olsem maket eria.

Na tu i no gat pablik notis olsem "Tambu long tromoi pipia nambaut".

Mi save lukim yupela i kisim K10 fain long ol manmeri i tromoi pipia o spetim buai i go long solwara. Husat i tokim yupela olsem dispela em i lo?

Sapos solwara i kisim pipia wantaim wanpela hap diwai i kam long nambis, bai yupela kisim K10 fain long solwara?

Mi laik tokim yupela ol sekyuriti husat i save kisim K10 fain olsem yupela i no gat het. Karanas tasol i pulap long het bilong yupela.

Yupela no ken hanamapim aidi kat long bros bilong yupela, na sasim nating long ol meri. Yupela i mas helpim ol na wok bung wantaim.

James M. KAVIENG

Gavman mas sapatim ol sios nau

Dia Edita,

Mi laik mekim liklik komplem i go long tupela man ya, em Tegi Epeal na Mema bilong Nipa Besin, Ipne Kor.

Mi laik askim yutupela, yupela i helpim Katolik Misen tu o no gat. Mi askim dispela long wanem planti kain kain samting i kamap pinis long bagarapim nem bilong yutupela.

Mi laik askim Ipne Kor olsem taim yu stap memba, yu gat sampela gutpela tingting long helpim Katolik Misen tu o no gat? Na mi laik askim tu memba nau, Tegi Epeal wantaim Sauten Hailans provinsal gavman long ol dispela samting:
 • sapos misen i no stap long eria bilong mipela,

yupela i ting lo na oda bilong provins bai bagarap o no gat?

• Gavman i kisim biknem nating na tok PNG em i wanpela kristen kantri, tasol wok gris bilong yupela i stap long wanem hap tru?

• long mekim dispela kantri i kamap wanpela strongpela kantri, Katolik Misen i go pas long bringim kain kain developmen i kam insait long kantri.

Olsem na gavman i mas sapatim wok bilong sios long go het; na

• no ken tingting tumas long bel bilong yupela tasol. Ol manmeri long ples i hangre tru long developmen.

Martin Komep MENDI



Nem: Ray Jason
 Krismas: 19
 Adres: Lottery Management Service, Box 3642 - LAE.

Hobis: Mi laikim pen pren bilong ol Pasifik ailan olsem Fiji, na long Papua Niugini yet.

Yupela ol yangpela manmeri husat i rait i kam, mi bai amamas tasol long bekim pas bilong yupela.

Ol samting mi save laikim long mekim em lukim televisen, pilai soka, lukim ol pilai, raitim pas i go i kam long ol pen pren, na salim ol Greetings na Krismas kat. Na tu mi save laikim tu long ritim buk na harim ol musik.

Nem: Nelson Roy
 Krismas: 17
 Adres: Karokaro Village, P.O. Box Ihu, Gulf Province.

Hobis: Mi save amamas long mekim pani wantaim ol pren, painim pis, pilai soka, ritim Baibel, na lukautim ol liklik enimel olsem dok, kapul na pisin.

Mi bai amamas tasol long bekim olgeta pas.

Nem: F. Esonu
 Krismas: 20
 Adres: Yangabu Trade Store, Box 1693, LAE.
 Hobis: Mi wanpela manki long Erap eria bilong Morobe provins. Mi save stap tasol long ples na holim wok bilong God.

Mi laikim pen pren long olgeta hap bilong PNG. Mi laikim ol pen pren husat i holim tu wok bilong God. Dispela em long lukautim ol samting, helpim ol papa na mama, na lukautim sindaun bilong ol yet bihainim stretpela pasin bilong ples.

Nem: Sally Sylvia Amissah
 Krismas: 24
 Adres: Box 1184, Oguaa Town, GHANA.
 Hobis: Harim musik, ritim buk, raun na senisim ol presen. (Sapos yu laik mekim pen pren wantaim dispela yangpela meri Afrika orait, raitim pas long em long Inglis).

Nem: Mathew Nolim
 Krismas: 18
 Adres: Mosa Oil Mill, P O Box Kimbe, WNB.

Hobis: Mi wanpela manki Sauten Hailans husat i stap nau long Kimbe. Na mi laik mekim pen pren wantaim ol yangpela bilong olgeta hap bilong dispela nalspela kantri bilong mipela.

Mi save laikim long harim ol lotu singsing, pilai gita, pilai basketbal, na lukim ragbi lig na volibal.

Painim tupela brata

Dia Edita,
 Mi wanpela manki Nanaha long Drekkir eria bilong Is Sepik provins. Mi stap wok nau long Oil Palm Kampani long Kapiua plantasin long Kimbe, Wes Nu Briten provins.

Mi painim tupela brata bilong mi husat i stap long Mosbi siti. Nem bilong tupela em Henry Binsarp na Moi Boryehme. Sapos yu husat brata o susa i lukim dispela pas, plis toksave long tupela long rait i kam long mi.

Hia em adres bilong mi:
 Clement Papohoi
 Kapiul Oil Mill
 P.O. Box 451, Kimbe-WNB.
 Sapos no gat tupela i ken ringim mi long telepon namba 9371106.

Kirapim COES bilong gret 11 na 12

Dia Edita,
 Mi bilong Makam na mi laik tokaut long tingting bilong mi long edukesen sistem bilong Papua Niugini.

Nau yet mi lukim olsem planti gret 6 studen i pinisim komyuniti skul na i stap nating long ples. Planti i joinim pasin bilong raskol. Gavman i gat gutpela tingting na kamapim koresponden kos (COES) bilong gret 7 i go inap long gret 10.

Mi laikim gavman bilong yumi i mas mekim wankain samting long ol gret 10 studen. Gavman i mas statim wanpela COES bilong gret 11 na 12. Bikos nau yet planti manki i laik go long yunivesiti tasol i no gat rot. Nau yet planti i pinism gret 10 nating na raun long strit, kamapim planti hevi long ol gutpela manmeri.

Nau yet mi lukim olsem edukesen sistem bilong yumi long Papua Niugini i no gutpela. Ol manki i no kisim moa save long wok bilong ausait. Bikos sotpela taim tasol ol i stap long skul.

Gavman i mas tok orait long olgeta manki i mas skul i go inap long gret 8 long komyuniti skul. Na haikul i mas stat long gret 9 i go inap long gret 12.

Insait long dispela taim, sampela manki bai inap long tingting long mekim sampela gutpela wok. Na tu inap long lainim ol samting.

Na husat i pundaun namel long tupela level ya i mas go stret long ol teknikel skul long lainim na stretim planti moa hevi bihain taim.

Urats Amu
 LAE

Ol yangpela meri noken paulim marit man

Dia Edita,
 Mi wanpela manki Madang, tasol nau mi stap long Kimbe long Wes Nu Briten provins.

Mi lukim pasin ol yangpela meri mekim long Kimbe taun we i no gutpela tumas long ai bilong mi, na tu long ai bilong ol arapela kristen manmeri. Olsem na mi raitim dispela pas.

Nau yet planti ol yangpela meri long Kimbe i save paul wantaim ol marit man. Yupela ol yangpela meri i mas lukluk gut long ol man na maritim. Maski long paul na bagarapim marit bilong ol arapela meri, na tu laip bilong yupela.

Yupela i mas sori long dispela ol mama. Bikos ol papa bai westim mani long yupela, na ol manki na mama long haus bai hangre.

Dispela em i wanpela bikpela hevi Papua Niugini

i gat long ol yangpela meri na marit man.

Mi tokaut long wari bilong mi, bikos wanpela taim mi lukim wanpela mama i kros na pait wantaim yangpela meri long Kimbe taun long pauim man bilong em.

Em i toktok bikpela na singautim planti tok nogut long yangpela meri ya. Dispela yangpela meri i paul na sem pipia stret. Bikos planti manmeri i sanap na harim mama ya i krosim em. Nau mi laik tokim yupela olsem yumi olgeta God i mekim yumi wankain.

Yumi olgeta i gat nus, ai, maus na yau long harim toktok. Olsem na mi laikim askim yupela olgeta yangpela meri long Kimbe long lusim pamuk pasin, na stap gut wantaim wanpela man.

Raymond Buget KIMPE.

Ol gret 6 na 8 tu i mas joinim fos

Dia Edita,
 Mi laik komplem long husat ol lain i save kisim ol nupela ami na plis insait long Papua Niugini.

Yupela i laik kisim ol drop aut tasol bilong gret 10, na olsem wanem long mipela ol grasrut, olsem ol lain i pinisim gret 6 na gret 8.

Ating yupela i ting olsem ol gret 10 tasol i save strong long pait o?

Em i tru olsem ol gret 10 manki i winim mipela long save.

Tasol yupela i save olsem mipela tu i gat save bilong rit na rait. Na mipela tu inap long wok na skul olsem ol gret 10 manki.

Tasol God papa i gat plen bilong mipela, olsem na mipela i no inap long go long gret 10.

Martin Komep
 LAE



Dia Edita,

Dispela em i namba wan taim bilong mi wantaim Brata Keo long rait long niuspepa, na autim tingting bilong mitupela. Mitupela i laik komplem long pasin bilong tingting nating o saspek nating long narapela man o meri.

Yupela ol kain manmeri bilong saspek nating i mas tingting gut. Yupela no ken saspek nating long narapela manmeri.

Yupela mas lukim samting long ai bilong yupela,

na harim gut toktok bipo yupela i ripot long ol plisman o kausnil long ples.

Planti taim ol man tru husat i mekim trabel i stap, tasol ol plisman i save go na holim nating gutpela man.

Na bihain ol i go kalabus na kam ausait mekim bikpela trabel. Bikos ol i bel hat long lo i kalabusim ol nating.

Elias Biaun
 WEWAK

Nonga haus sik wokman i slek tumas

Dia Edita,
 Mi wanpela paul bodi bilong Sauten Hailans. Mi laik autim wanpela wari bilong mi long Wantok Niuspepa.

Planti sik manmeri save kamap long Nonga Bes Haus sik, tasol ol dokta na nes i no save givim marasin long ol. Dispela pasin mi lukim planti taim, olsem na mi tokaut long yupela.

Sik em i wanpela samting we i ken kilim planti manmeri. Wanpela taim mi sindaun i stap long lain na wanpela nes i tokim mi olsem ol i gat inap marasin long imejensi tasol. Mi no wan bel long toktok bilong em, na mi tekop.
 Dispela pasin i soim stret olsem

planti nes na dokta i no wari long laip bilong ol pipel.

Ol i mas givim marasin bikos liklik sik i ken kilim man long rot, sapos em i no kisim marasin. Planti manmeri save i dai bikos ol i no save kisim marasin.

Na tu wari long ol dokta na nes i save krosim ol sikman long ai bilong ol arapela manmeri. Dispela em i wanpela bikpela rong bilong ol dokta na nes long Nonga Haus Sik.

Mi laik askim ol dokta na nes bilong Nonga long wok, na maski long bilasim skin nating, na kaikai mani bilong gavman.

Em tasol wari bilong mi.

Herry Mandiga
 RABAUL

Ol nes long Madang haus sik i no save mekim wok gut

Dia Edita,

Mi laik autim bel hevi bilong mi long yupela long wanem samting ol sista na nes long Madang Jenenel Haus sik i save mekim long mipela ol sik manmeri, taim mipela i go long kisim marasin long taim olsem 2 o 3 klok apinun.

Taim mipela i kamap long kisim marasin, o ba kirap na tok, "Taim pinis na yupela i kam long wanem?" Na ol bai rausim mipela i go bek.

Mipela ol bikman na meri i orait. Tasol nu sori long ol pikinini taim mama kisim ol i kam long kisim marasin.

I luk olsem dispela kain smat pasin bilong yupela tasol na yupela painim kaikai bilong en pinis.

Robet G'ees
 MADANG

Ol plis na woda i gat rait long paitim yu

Air Niugini sasim bikpela mani tumas

Dia Edita,

Mi laik sapotim sampela pas em i bin kamap na komprien long Air Niugini. Dispela em long apim tumas prais bilong

tiket.

Prais bilong baim tiket long Air Niugini i goap moa nau. Na mipela ol pipel i kisim taim stret.

Mipela sampela i laik go long ples long amamasim Krismas na Nu

Yia. Tasol mipela i painim hat tru.

Mi tok long mipela ol longwe pipel bilong Is Sepik, na Sandaun povins. Long baim balus long Mosbi na go long ples bilong

mipela, em bai kos moa long K400 olgeta long wanpela man tasol.

Ating ol pipel bilong Oro, Milen Be, Lae na Hailans bai painim isi liklik. Bikos Mosbi i no longwe long ol. Ol lain long Hailans i ken pundaun long Nazdab ples balus, na bihain kisim haiwe i go long ples bilong ol.

Mipela inap long baim dispela bikpela mani long go long ples sapos prais bilong ol arapela sevis long siti i go daun. Long wanem dispela bai helpim mipela long sevim sampela mani.

Tasol prais bilong ol sevis na kaikai long stua tu i goap moa. Olsem na dispela i givim mipela bikpela mekimsave stret.

Mi laik askim nau nesenel gavman em Praim Minista Rabbie Namaliu i go pas long

en, long mekim sampela samting. Bikos air Niugini i kam aninit long lukaut bilong gavman.

Mipela ol pipel i painim taim nau aninit long lukaut bilong Namaliu gavman. Hevi bilong lo na oda i goap, na prais bilong ol samting goap moa.

Praim minista, yu luksave long ol dispela hevi tu o no gat. Mipela i wetim gavman bilong yu nau long helpim mipela. Daunim prais bilong ol sevis o no gat apim pe bilong mipela olgeta wokman.

Sapos no gat ol dispela samting i kamap, yu mas tingting gut long 1992 ileksen. Mipela i laikim wanpela gavman husat i ken helpim mipela long ol dispela hevi.

**Matiew Wera
MOSBI**

Stretim haus bilong ol plis long Minogere

Dia Edita,

Mi laik autim bel hevi bilong mi long Plis Dipatmen. Bel hevi bilong mi olsem Minogere Plis Bareks long Goroka long lsten Hailans provins i bagarap pinis.

Mi laik askim yupela. Yupela i ting wanem long ol dispela haus em ol plisman i slip long ol nau.

Ol singel kota i bagarap nogut tru pinis. Ol haus ya bilong bipo i kam inap nau. Ating ol dispela haus i bilong 1950 o 1960 yet, na dipatmen i no senisim ol yet.

Mi ken tok olsem 6-pela haus tasol em ol nupela. Ol plis i mas slip long ol gutpela haus bai ol i mekim gut wok. Mi bin lukim planti plis i no gat haus na ol i save painim ples stret.

Olsem na dipatmen i mas traime na senisim ol dispela haus hariap.

**Lesley Lenu
GOROKA**



Dia Edita,

Mi laik bekim pas bilong Jim Jomoko, em i bin kamap long dispela niuspepa sampela taim i go pinis. Em i tok ol plisman na ol woda i save paitim ol kalabus man.

Mi laik askim olsem em asua bilong husat? Ol plisman i gat rait long paitim yu.

Sapos mi wanpela plisman na kisim yu, yu mas harim tok na stap isi, sapos no gat, bai mi mekimsave long yu.

Sapos yu pikinini bilong man, orait yu mas harim tok, sapos no gat bai ol plisman na woda i paitim yu.

Ating yu wanpela bikhet man tru ya. Yu mas kalabus pinis na ol plisman na woda i paitim yu. Olsem na yu mekim dispela kain kompren.

Sapos yu stap isi bai yu no inap go kalabus na ol plis na woda i no inap long paitim yu.

**Jun Oruro
MOSBI**

Isi nau long longpela tait trausis

Dia Edita,

Mi bilong Orumba viles long Goroka, lsten Hailans provins. Mi gat liklik bel hevi long ol meri husat i save putim longpela tait trausis na raun long pablik ples.

Mi bin stap long Kimbe wanpela yia nau na mi no wan bel long lukim ol meri putim samting bilong ol man na raun long taun.

Planti taim mi save sem nating bikos sampela boi save singaut olsem "as bilong man o pato." Dispela toktok tasol save mekim bel pen nating long ol meri husat i putim trausis long ai bilong mi.

Putim longpela trausis na go long dispela em bai orait. Tasol raun nating long ai bilong ol arapela manmeri

em i no gutpela stret. Sampela meri i luk gutpela long longpela trausis. Sampela i luk olsem sanguma bilong ol tumbuna bilong ol yet.

Olsem na mi askim yupela olgeta meri long Kimbe taun, na long ol arapela hap insait long Papua Niugini long stapim kain pasin olsem. Wanpela taim mi yet i lukim long ai bilong mi, wanpela man i holim as bilong wanpela meri husat i putim sot na tait trausis.

Mi laik tokaut olsem wankain pasin bai kamap long yupela ol meri olsem long wanpela taim sapos yupela i no inap harim tok na hambak moa.

Em tasol bel hevi bilong mi.

**Racheal Ipson
KIMBE**

Ofa mas kam long hat wok Raitim ol gutpela pas long helpim mipela

Dia Edita,

Mi wanpela strongpela Morobe, tasol nau mi stap long Rabaul long Is Nu Briten provins.

Na mi gat bel hevi liklik long ol manmeri husat i pilai laki long winim mani, na givim olsem ofa long God. Mi lukim dispela pasin na i no gutpela long tingting bilong mi.

Ofa yumi givim long God i mas kam long hat wok, na gutpela pasin. Mani bilong laki em i olsem wanpela stil mani. Na yumi givim laki mani olsem ofa i no gutpela tumas.

God i no pilai laki na kisim mani bilong baim san, nait, win, wara na ol arapela samting.

Em yet i givim olgeta dispela samting fri, na long gutpela pasin. Na ofa yumi manmeri bilong graun laik givim em i mas gutpela long ai bilong em, na tu i gutpela long ai bilong ol manmeri bilong dispela graun.

**Damu Endii
RABAUL**

Dia Edita,

Mi laik kompren long ol manmeri husat i save raitim pas na kompren long ol pipia samting olsem ol meri i no ken putim longpela trausis.

Mipela i mas raitim mas na kompren o autim tingting long ol gutpela toktok, em i ken helpim long developim Papua Niugini long sampela kain we.

Mi les pinis long lukim ol man i raitim pas na kompren long ol liklik samting. Yupela ol dispela kain lain i westim taim bilong yupela.

Sapos yupela i mekim olsem yet, bai mi askim edita long pasim dispela 'Pas Pes', na ol i ken pulapim wantaim sampela nius stori.

**William Suofi
WEWAK**

Maski daunim wok bilong ol plisman Ol Kerema mas stap isi long Mosbi

Dia Edita,

Mi laik bekim pas bilong brata ya, Laitak Enenge em i bin kamap long Wantok Niuspepa long Wantok Fonde 5 Ogas, 1991.

Brata ya i tok ol plisman long Enga i no save wok gut. Em i tok ol i mas pasim blanket na i go lukautim ol pik na dok long ples. Tasol brata ya daunim nem bilong ol plisman nating na yu no save long wanpela wok.

Olsem na stap isis na lukluk long wanem samting ol plisman bai mekim long stapim lo na oda hevi long gutpela kantri bilong yumi.

Brata, yu na mi mas helpim ol plisman.

**Norio Amu
MOSBI**



Ol bikhet manki mas helpim developim kantri

Dia Edita,

Mi laik autim sampela tingting long ol bikhet manmeri long Mosbi siti.

Yupela i mas stap isi na helpim dispela kantri long develop. Dispela kain pasin bilong bikhet nambaut i no gutpela. Bikos yupela i bagarapim kantri bilong mipela.

Yupela i mas save olsem sapos yupela i bagarapim dispela kantri, yupela yet bai kisim taim.

Mipela i wok hat long developim, orait larim i stap na bai amamasim mipela.

Yupela no ken slek long wok hat na painim mani. Sapos yupela i wok hat, mani bai i kam long yupela. No ken sindaun nating long as bilong yupela.

**John Kuma
MOSBI**

Dia Edita,

Mi laik toktok long ol Kerema meri husat i save kolim ol yet olsem ol "solwara meri". Mi lukim olsem ol i save bikhet tru long Mosbi siti ya.

Planti bilong ol dispela meri i save kam long ol setelmen. Tasol stail bilong ol i moa moa yet. Man, mi tu save aut nating long ol ya.

Mekim na ol meri Kerema tasol i autim planti yangpela boi bilong arapela provins husat i kam wok long Mosbi siti. Em i kas bilong yupela yet.

Tasol wanpela samting em mi no amamas tumas. Taim yu marit long wanpela meri Kerema, olgeta famili

bilong dispela meri bai i kam bung long haus.

Dispela i no gutpela pasin tru. Yupela ol famili bilong meri i mas tingting. Na stapim dispela kain rabis pasin. Wan wan taim yupela i ken kam long haus, na lukim pikinini meri bilong yupela.

Mi tok olsem bikos wanpela pren bilong mi i bungim kain hevi nau. Mekim na em i pinisim gutpela naispela meri bilong em. Mi sore tru long meri na ol naispela pikinini husat i stap nating long setelmen, na lusim skin nau.

**Caspar Koma
MOSBI**

Husat bai sevim Is Sepik provins?

Dia Edita,

Mi laik kompren long ol bikman bilong Is Sepik provins. Dispela em long provinsal na nesenel level wantaim.

Yupela ol dispela bikman i stap we na Is Sepik i go baksait nau?

Tru olsem asua mas i go long ol yangpela pipel long bagarapim provins long raskol pasin. Tasol yupela no ken putim asua i go long ol, na stap nating.

I gat as bilong ol trabel i kamap. Yupela ol nesenel na provinsal lida i

mas lukluk na putim bek Is Sepik long stretpela rot.

Mipela makim yupela nating olsem ol lida bilong mipela. Tasol yupela i no mekim wanpela gutpela wok liklik.


Wewak taun i no stap wankain. No gat. Em i go baksait nau. Ating long 10-pela yia taim, bikpela bus bai kamap long Wewak taun.

Yupela ol bikman i mas lukluk na mekim sampela samting nau.

**Joe Megusa
WEWAK**

WAVANTOR

NIUSPEPA BILONG PAPUA NIUGINI STRET



1992

January

S	M	T	W	T	F	S
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

February

S	M	T	W	T	F	S
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29



March

S	M	T	W	T	F	S
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					



Wrap it up for CHRISTMAS

at Brian Bell Stores



Soft Touch

Come see our extensive range of: SHERIDAN and ACTIL Flat Sheets, Fitted Sheets and Quilt Covers in Single, Double, Queen and King with their matching pillowcases.

SET UP A NEW BEDROOM THIS CHRISTMAS!



TOWELS

- 3 PIECE GIFT PACK TOWELS.
- * Bath Towel * Face Towel * Hand Towel
- * Full range of Beach Towels.
- * Personalised Towel Embroidery.


TOYS! TOYS! TOYS!



Surprise your Loved Ones with Gift Wrapped

Sunbeam Appliances.

The NEW VERTICAL GRILL!



Low-fat Grill for Food Lovers

- Also Available
- * Classic Aluminium Frypan
 - * 12" Super Gourmet
 - * Gourmet Stainless Steel Frypan
 - * Super Deep Frypan
 - * Mini Fryer
 - * Steaming Tray Accessory
 - * Deep Fryer
 - * Super Clean Skillet
 - * Sunbeam Super Multicooker
 - * Super Clean Frypan

Grill almost anything in half the time.

We have a wide range of other great electrical appliances to choose from !!


ARCOROC COOKWARE




"Heat Resistant" Electric, Gas Stoves. Removable Handle.



BOWLS



LUMINARC GLASS SET



SETS



6 MUG SET



SAVE 30% ARCOSTEEL PREMIUM QUALITY

CLEARVIEW COOKWARE




- * 25 years guarantee.
- * Heavy 2mm copperbase for rapid and even heat distribution.
- * Energy saving.
- * Dishwasher Safe.
- * Attractive mirror finish inside and out for easy cleaning.

Word Publishing

I go het wantaim PNG

Ol Engliken, Katolik,
Lutheran na Yunaitet
sios i amamas long
bung wantaim long
wokim ol nius



WANTOK

NIUSPEPA BILONG PAPUA NIUGINI STRET

PNG's Tok Pisin newspaper

THE TIMES

of Papua New Guinea

PNG's award winning newspaper



PNG
BUSINESS

reporting on the business community



SPORT

Weekend

for complete sport coverage

Ol 2 milien memba bilong Engliken, Katolik,
Lutheran na Yunaitet sios i amamas long stap
olsem papa bilong dispela wok long
kamapim ol nius

April

S	M	T	W	T	F	S
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		

May

S	M	T	W	T	F	S
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

June

S	M	T	W	T	F	S
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30			

July

S	M	T	W	T	F	S
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

August

S	M	T	W	T	F	S
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

September

S	M	T	W	T	F	S
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30			

October

S	M	T	W	T	F	S
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

November

S	M	T	W	T	F	S
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30						

December

S	M	T	W	T	F	S
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

Yummi Baking Workshop

PRAIS! PRAIS!

Pe bilong gol long Wau na Bulolo i abrusim prais bilong gol long wol

DAVID WAMBI i raitim

I GAT bilip olsem sampela gol baiya i save baim aluviel gol long Wau/Bulolo long Morobe provins long mani i abrusim prais bilong gol long wol maket.

Wanpela lokel gol baiya long Wau i bilip olsem dispela paul pasin i wok long kamap long Wau/Bulolo na ol narapela hap bilong maining tu.

Man ya i toksave pinis long ol han bilong gavman olsem nakotiks brens, Nesenel Invesmen Promosen Atoriti na Sentrel Beng na em i askim ol dispela ol long sekim wok bilong ol gol baiya.

Em tok wanpela lokel gol baiya long Wau i baim ol gol long K5.50

long wanpela kilogrem na bihain go aut long taun na salim long ol liklik baiya long K4 long wan wan kilogrem. Pe bilong gol long wol maket em i stap long K4 long wan wan kilogrem.

Man ya i tok tu olsem ol asples manmeri i save lukim wanpela waitman wantaim wanpela lokel man i save baim helikopta na flai i go long sampela maining hap. Ol i painim ol man long baim gol bilong ol.

"Ol i baim gol long K6 long wan wan kilogrem na salim long K4. Ol i lusim K2. Ol i mas stupid o sapos nogat ol i wok long hait long wanem samting ol i mekim i no stret lo. Wanem kain bisnis man bai go het long wok sapos em i lusim bikipela mani?"

"Mi no save ol i kisim mani we na baim ol helikopta long kisim ol raun. Mani bilong helikopta nau i

save bikipela tru. Mi ting ol stupit tasol no gat. Ol i wokim sampela samting i no stret long lo," em i tok.

Em i tok sapos ol dispela toktok bilong em i tru, Beng ov PNG bai i kirap nogut stret.

Em i tok sampela lain i save salim ol mani ol i kisim taim ol i salim ol spak brus na ol kain kain marasin nogut long Australia i kam insait long PNG na tanim i go olsem kina na yusim long baim gol.

Man ya i tok sapos wanpela man long Australia i gat KI00,000 em i no inap long yusim bikos ol takis wokman na ol beng bai askim em olsem em i kisim dispela mani we. Na sapos em i no gat rekot bilong dispela mani, bai ol i holim em.

"Bikos long disepla em i salim mani i kam long PNG, narapela

man long PNG i kisim na tanim i go olsem kina na yusim long baim gol long bikipela mani tru, stat long K5.50 i go antap olgeta long K80,000.

"Man ya bai lusim K20,000 tasol em i gat K80,000 i stap wantaim em. Na em i no inap long kisim trabel bikos em i gat rekot bilong mani bilong em. Wanpela man long Beng ov PNG i wok long seksen we ol i save senisim ovasis mani i kam long kina i mas save," em i tok.

Em i tok ol man i no bihainim gut stretpela rot long senisim mani bilong Australia i kam olsem kina.

Wanpela sinia opisa bilong Beng ov PNG i tok ol dispela toktok i bikipela tru na gutpela wok painim aut i mas kamap. Tasol opisa i tok em save pinis olsem sampela baiya i save baim gol long bikipela mani na salim long liklik mani.

KOPI

Pe bilong drai arabika kopi long wan wan kilogrem long las wik. Dispela i karamapim prais bilong kopi long dua bilong fektori na i no long sait bilong rot.

Table with 2 columns: Location and Price per kg. Locations include Kainantu, Goroka, Minz na Banz, Hagen, Lae, Erap, Wau/Bulolo, Aseki, Madang, Is Sepik.

Ol ripot i kam long Kopi Industri Bod. Mipela i no kisim ripot bilong Mendi, Kundiawa, Aseki, Wasu, Mumeng na Wapenamanda

KOPRA

KOPRA Maketing Bod (CMB) i save baim kopra aninit long tripela grup. Namba wan grup em "Hot Air". Dispela em kopra i drai gut. Namba tu em "F.M.S" o (Fair Merchantable Standard). Dispela kain kopra i namel tasol. Narapela hap bilong em i nogut na narapela i gutpela. Na namba tru em "Smoke". Dispela kain kopra i no gutpela tumas.

Prais bilong kopra i pundaun long K5 long wan wan tan long Mosbi, Alotau, Lae, Madang, Wewak, Kavieng, Toboi, Kimbe na Kieta. Pe i stap olsem:

Table with 3 columns: Type (Smoke, F.M.S, Hot Air) and Price (KI75, KI77, KI80)

Prais bilong kopra long ol liklik hap i stap olsem:

Table with 3 columns: Location (SAMARAI), Type (Smoke, F.M.S, Hot Air), Price (KI43, KI45, KI48)

Table with 3 columns: Location (KANDRIAN na NAMATANAI), Type (Smoke, F.M.S, Hot Air), Price (KI40, KI42, KI45)

Table with 3 columns: Location (BUKA), Type (Smoke, F.M.S, Hot Air), Price (KI39, KI41, KI44)

Table with 3 columns: Location (FINSAFEN KI35), Type (Smoke, F.M.S, Hot Air), Price (KI37, KI40, KI30)

Table with 3 columns: Location (LORENGAU KI35), Type (Smoke, F.M.S, Hot Air), Price (KI30, KI32, KI25)

Table with 3 columns: Location (KEREMA), Type (Smoke, F.M.S, Hot Air), Price (KI20, KI22, KI25)

Prais bilong dispela wik i wankain tasol olsem bilong las wik tasol. CMB i tokaut olsem sapat prais bilong dispela mun em K25.

KAKAO

PRAIS bilong drai kakao long wan wan tan long Rabaul long Mande inap long Fraide long las wik.

Table with 5 columns: Mande, Tunde, Trinde, Fraide, Fraide. Dates: 9/12, 10/12, 11/12, 12/12, 13/12

Pe ol baiya sasim long papa bilong fementri

Table with 5 columns: K895, K885, K883, K881, K908

Table with 5 columns: Sapot prais K196, K196, K196, K196, K196

Prais ol papa bilong fementri i kisim

Table with 5 columns: K1,091, K1,081, K1,079, K1,077, K1,104

Sapot prais bilong kakao long dispela mun em K195.67 Dispela prais i no wankain olsem pe bilong kakao long ol narapela hap bilong kantri.

RABA

Pe bilong raba long dispela yia i stap namel long 40 toea na 45 toea.

KADAMON

Prais bilong kadamon em A. T. Agri Ejensi Pty Ltd long Madang i tok aut long en i stap olsem; Draai long san em namel long K0.80 na K1.10.

Draai long fektori em namel long \$6.50 na \$8.00. A. T. Agri i lukautim Kobum Spice em i stap long Bundi we planti ol kadamon i save kam long en.

BP PRAIS BILONG OL BENSIN

Kos long wanpela lita Ex Pump (Wantaim takis)

Table with 2 columns: Fuel Type and Price. Items: Petrol, Diesel, Kerosin.



Primia bilong Morobe, Jerry Nalau i toktok wantaim nesenel minista bilong Helt, Galeva Kwarara na ol sinia opisa bilong CRA Maining Kampani (Iephan) na ol sampela manmeri (raithan) husat i bin stap long taim Nalau i opim nupela komyuniti haus bilong ol pipel bilong Hidden Valley long boda bilong Wau na Bulolo long stat bilong dispela mun. CRA i painim gol nau long dispela hap

Minista i tok orait long Alimbit - Andru timba projek long go het

WOK bilong Alimbit-Andru timba projek long Wes Nu Briten privins nau bai go het bihain long tok orait bilong minista bilong Envairomen na Konvesen, Michael Singan long Fraide las wik.

Singan i tok envairomental plen (EP) bilong projek i gutpela na wok i ken go het nau.

Em i mekim dispela tok orait aninit long seksen 4, sabsek- sen 7 (b) bilong Envairomental Plening Ekt, sapta 370.

Tasol em i tok ol developa, Kandrian Timba Invesmen Pty Ltd na Islands Fores Risoses Pty Ltd i mas bihainim I9-pela samting long bungim ol astingting bilong EP.

Wanpela samting em ol kampani i mas bihainim em long kisim wanpela envairomen opisa siksapa mun bihain long tok orait bilong minista.

Singan i laikim tu kampani long givim kopi bilong ol ripot bilong envairomen menesmen na monitoring i go long Dipatmen long wan wan yia long sekim. Em i tok ol bai kisim moa envairomen opisa long neks yia na dispela bai mekim wok bilong Dipatmen isi long sekim ol timba projek.

Long wankain taim tu Singan i tokaut olsem em i no amamas long ol ripot i kamap long nius olsem planti ol timba projek i nogat ol EP.

Em i tok em i tru olsem planti i nogat EP long 1990 tasol dispela nau i senis long 1991. Hia em sampela ol senis i bin kamap pinis:

- long namel long las yia olpela minista, Jim Yer Waim i askim olgeta kampani long givim EP bilong ol insait long siksapa mun;
- long dispela taim i kam inap nau, dipatmen i wok long askim ol kampani long givim ol EP bilong ol;
- dipatmen i kisim planti EP pinis insait long dispela I8 mun na rausim planti na tu tok orait long planti;
- dipatmen i salim ol dispela em i no amamas long ol i go bek long ol kampani long stretim gen; na
- tu dipatmen i gat nau nupela ol lo bilong ol kampani long bihainim.

Singan i askim tu husat ol manmeri i gat wari long sampela ol timba projek long tok-save long dipatmen bilong em.

Namba bilong beg kopi long 1991 i pundaun long 770


NAMBA bilong kopi em PNG i save kamapim long ol plantasin bai pundaun long 180 tausen beg na 590 tausen beg long smolholda long dispela yia.

Ripot bilong Kopi Industri Kopresen (CIC) long Novemba i tok aut olsem namba bilong kopi i pundaun long ol plantasin bikos i no gat inap marasin biong mekim kopi i gro na tu i no gat

inap wokman long kilaim bus na katim ol nogut han bilong ol kopi diwai.

CIC i tok em i klia olsem namba bilong kopi go daun long ol smolholda fama bikos planti bilong ol i no lukim mani bilong kopi nau na ol i salim ol narapela samting long kisim mani na lus tingting long kopi.

Amas kopi PNG i salim long 1985 inap long 1991



Ok Tedi sapatim ol planti bisnis long PNG

PLANTI Papua Niugini kampani i bin salim planti samting na givim ol sevis long Ok Tedi maining kampani long las yia. Kos bilong olgeta ol samting na sevis inap olsem moa long K90 milien.

Dispela i abrusim mak bilong 1989 em kos bilong ol samting na sevis i stap tasol olsem K78 milien.

Niusleta bilong Ok Tedi ol i kolim long "The Star" bilong Septemba 1991 i tok olsem dispela mani i go antap bihain long

Ok Tedi i karim aut wanpela progrem bilong wokim ol haus bilong ol wokman na meri bilong en long Tabubil. Kampani i laikim planti ol timba, kapa na ol narapela samting bilong wokim ol dispela ol haus. Ol

sip kampani bilong PNG yet tu i mekim planti ran i go long Kiunga long 1990.

Niusleta i tok mani em kampani i yusim long baim ol dispela samting na yusim ol sevis i bin stap pastaim long K56 milien i go antap long K65 milien. Na mani em kampani i yusim long baim ol samting long PNG yet i bin stap pastaim long K22 milien i go antap long K26 milien.

Ok Tedi i yusim moa long 60 pesen long ol samting na sevis ol kampani bilong PNG i gat. Dispela i kampani aninit long astingting bilong kampani em long yusim moa ol samting bilong ol kampani yet bilong PNG.

Eksekutiv Menesa bilong Logistik na Sevises long Ok Tedi, Dokta Roger Higgins i tok kampani i amamas long sapatim em i kisim long ol PNG kampani long 1990.

PNG na Ingran i pasim tok long nupela takis lo

WANPELA nupela tok orait bilong takis namel long PNG na Ingran bai pulim moa kampani long Ingran i kam ranim bisnis insait long PNG.

Tupela kantri wantaim i sainim dispela tok orait long biktaun bilong Ingran, London long Septemba 17 tasol tasol ol tok klia na strongim dispela tok orait long wanpela liklik bung namel long ekting seketeri bilong Foren Afeas, Maimu Raka - Nou na Hai Komisina bilong Ingran long PNG, John Guy long Fraide las wik long Mosbi.

Senis long royelti na takis

Aninit long tok orait ol royelti na ol narapela kain takis namel long tupela kantri wantaim bai kisim tasol 10 pesen. PNG tu bai no inap long putim takis long gavman bilong Ingran long ol samting PNG i salim i go long Ingran.

Ol kampani bilong Ingran tu i wok nau long kantri bai baim tasol 17 pesen long takis bilong kampani i go long gavman bilong PNG.

Dispela tok orait bai mekim ol kampani bilong Ingran long kam insait long kantri na mekim moa wok long ol rot, bris, skul, ed pos na tu long wok bilong maining wok planti kampani bilong ol i stap pinis wok long kantri.


PE BILONG AIR NIUGINI LONG PNG TASOL

KISIM LONG I GO LONG PE BILONG BALUS	PE BILONG KAGO
POM Alotau	K101 K1.01
POM Daru	K117 K1.17
POM Goroka	K114 K1.14
POM Hoskins	K140 K1.40
POM Kavieng	K234 K2.34
POM Kundiawa	K113 K1.13
POM Lae	K95 K0.95
POM Madang	K129 K1.29
POM Manus	K206 K2.06
POM Mendi	K136 K1.36
POM Misima	K155 K1.65
POM Mount Hagen	K132 K1.32
POM Popondetta	K59 K0.58
POM Rabaul	K187 K1.87
POM Tabubil	K189 K1.89
POM Tari	K153 K1.53
POM Vanimo	K234 K2.34
POM Wapenamanda	K141 K1.41
POM Wewak	K180 K1.80

* I nogot ol spesel prais nau inap long neks yia.
* Ol kago em hevi abrusim 1kg bai gat pe.

Exchange Rates

PNGBC		
Bank buys at:	Notes	T/T
Australia	1.4080	1.3784
USA	1.0880	1.0537
UK	0.5850	0.5703
Bank sells at:		
Australia		1.3674
UK		0.5509
USA		1.0457
Solomon Islands		2.8749
China		5.5740
Fiji		1.5253
Hong Kong		8.0650
India		26.5630
Japan		131.1500
New Zealand		1.1990
Singapore		1.6830
Switzerland		1.3980
Germany		1.5680
Gold rates (in US\$):		
per ounce		\$359.80
per gramme		\$11.57



• Bernard Jouvi, wanpela mekunik bilong bikpela ol Katapilla i wok long Ok Tedi Maining Limited

Yu ken kisim mani tu long ol binatang na bataflai sapos yu salim

KENA'E KA'AU i raitim

PLANTI hevi i kamap nau long wol bikos ol pipel i wok long katim planti bikbus long kisim timba na kain samting olsem. Planti pipel i no save olsem bikbus ya i save helpim long daunim tuhat bilong san.

Papua Niugini i helpim long kamapim dispela hevi tu. Planti wok bilong katim ol diwai na bagarapim bikbus i kamap nau na i luk olsem papa graun i laikim. Bikos ol i gat wanpela bikpela askim, "Sapos mipela i no salim ol diwai bilong mipela, bai mipela kisim mani long wanem hap long baim skul fi bilong pikinini bilong mipela, o long baim rais o ol arapela kain samting olsem."

I gat ol rot i stap we yu ken larim bikbus bilong yu i stap na yu wokim ol arapela wok long kisim mani. Wanpela em long groim na salim ol dispela samting na salim, em ol i ken kisim bikpela mani tru.

Olsem nau i gat wanpela bikpela bataflai long Oro province. Pe bilong wanpela bilong

ol dispela bataflai em klostu K5,000. Pe bilong wan wan diwai em ol papa bilong graun i save salim long ol kampani em namel long K3 na K10. Yu yet yu skelim, diwai i kisim mani o bataflai?

Planti pipel i save laikim baim ol bataflai. Sampela em ol lain husat i save bungim ol dispela kain samting, narapela em ol turis na ol saintis tu i save laik baim ol bataflai long wokim wok bilong ol. Ol arapela lain i save baim ol binatang long bilasim haus bilong ol.

Tasol ol lain ya i no inap baim nating ol kainkain binatang o bataflai. Ol laikim ol

bikpela na i gat kainkain kala. Ol i no inap baim binatang i gat hap lek i bruk na kain olsem.

Long Papua Niugini i gat wanpela hap we yu ken salim binatang bilong yu. Na dispela em long "Bulolo Insect Farming na Trading Agency". Ol dispela lain o lem skulim yu tu long pasin bilong kisim ol dispela binatang na salim i go long ol sapos yu stap long longwe hap.

Tasol liklik hevi i stap long dispela kain wok. Sapos olgeta pipel long bikbus i wokim dispela wok bilong kisim na salim ol binatang ol bataflai, em bai ol dis-

pela samting wantu.

I gat gutpela rot i stap long daunim dispela hevi. Na dispela rot em long kamapim dispela wok olsem wok gaden. Yu no ken go nabaut na kisim ol binatang long bus. Groim ol kaikai bilong ol binatang na ol bataflai long wanpela hap na ol dispela samting bai kam stap long dispela hap. Yu no inap go longwe long kisim ol dispela samting.

Yes tingim ol pikinini na tumbuna bilong yumi. Sapos yumi pinisim olgeta bikbus bilong yumi nau bihain bai na gat bikbus. I no bikbus tasol. Ol abus bai pinis.

Amas silva PNG i kamapim long 1986 inap long 1991




Illustration by Don Niles 1991

Mani bilong gol na kopa i winim kopi, kopra, kopi na kakao long 1985

PNG I SAVE kisim bikpela mani tru long kopi, kopra, kakao na welpem taim em i salim ol i go long ovasis.

Tasol long 1985, mani em PNG i kisim long gol na kopa i winim mani bilong ol kes krop. Novemba ripot bilong Kopi Industri Kopresen (CIC) i tok long 1985, PNG i kisim tasol K330.2 milien long ol kes krop. Na mani bilong kopa na gol i kamap olsem K438 milien. Dispela mak i wok long go antap olgeta taim na long 1990, mani bilong ol kes krop i sanap


olsem K204.2 milien. Na mani bilong gol na kopa i go antap olgeta long K773.3 milien.

CIC i tok dispela bai go antap moa yet taim wok bilong Kutubu wel long Sauten Hailans i kamap strong. Na tu wok bilong Porgera gol main long Enga provins. Tasol CIC i tok egrikalsa i save bringim bikpela mani long PNG bipo yet kam inap nau. Na gavman i no ken lus tingting long en CIC i tok ol kes krop olsem kopi, kopra, kakao na welpem i givim moa mani yet long ol manmeri. Moa

long 1 milien manmeri i sindaun antap long wok bilong kopi long Hailans.

CIC i tok moa manmeri i wok long kam bilong taun. Na hevi bilong lo na oda nau i wok long go antap. Dispela bai givim moa hevi, tasol em i no ken mekim ol bisnis i givap long wok.

Wanpela rot em long stretim wok bilong kamapim moa na gutpela kes krop na rot bilong baim na salim ol dispela kes krop. Bikpela tingting i mas sut long wokim ol fektori insait yet long kantri.





MUSIK na TELEVISEN

Barike i gat stori bilong krismas long Papua Niugini

FRANCIS ULIAU
I raitim

BIKPELA toktok bilong Pacific Gold studio bilong dispela krismas em "soim rispek long ol narapela i stap klostu long yu. Na Papua Niugini bai kamap olsem nambawan ples bilong stap long en".

Na dispela toktok i stap long namba tu krismas kaset bilong Barike "SANTA IKAM" we ol i katim long Rabaul long mun Julai. Musik bilong

dispela namba tu kaset bilong Barike i gutpela tru. Olsem na ol kaset bilong "SANTA IKAM" tu i sot.

Dispela i kamap long wanem i gat ol gutpela save musikman i pilal na wokim dispela krismas kaset bilong Barike. Dispela em ol kain man olsem Kanai Pineri husat i brukim nek yet long singsing, Donald Lessy husat i fantanim sampela string bilong lid, ritim na bes gita, Glen Low husat i tralm

pinga long bes gita na taitim rop bilong nek liklik long singsing, Fablan Tadoi antap long kundu bilong ol waitman, George Telek Mamua husat i givim han na krungutim nek liklik, wanpela solo musik atis bilong Kerema, Camillo James husat i singim FARA UVIVOA long salt B, Matalau Nakikus wantaim Douglas Pineri na Tifling Sale.

bin kam singsing wantaim Barike long "SANTA IKAM" krismas kaset bilong Barike em John, Gareth, Alston, Juan Low, Adrian Choi, Max Wilson, Esther Koupver na Nick Mora.

Na dispela i soim tru mining bilong hap tok "krismas".

Brens menesa bilong Pacific Gold studio long Rabaul, Glen Low i tok dispela krismas kaset



• Ol studen bilong Sekret Hat Intanesenel Praimerl Skul i gat nem long Barike Ben bilong Rabaul. Dispela em i namba tu krismas kores keset bilong Barike Ben. Las yia 1990 John Wong i katim namba wan long Pasifik Gol Studio.

"Rispek long narapela na PNG bai kamap nambawan"

BARIKE "SANTA IKAM"



Tasol tingting bilong mi i no go olsem taim mi kism kaset bilong Barike "SANTA IKAM". Mi lukim krismas olsem taim bilong famill i amamas na bung wantaim. Na long dispela, em i min mama wantaim ol pikinini.

Tru tumas, Barike gen i no lus tingting taim ol i katim kaset bilong "SANTA IKAM" long mun Julai, 1991. Ol i askim ol pikinini bilong Sacred Heart International skul long kam na singim sampela song long kaset. Oraif ol pikinini i kam long studio na singim tupela namba wan song long salt A na B. Tupela song wantaim i stap long tok Inglis bikos ol pikinini i bilong kain kain hap long Papua Niugini. Ol yangpela husat i

bilong Barike i wok long pinis nating long ol stua. Em i tok, "Ol stua i salim gut tru dispela kaset. Ating ol pipel i stat nau long laikim na luk save long kain nupela musik em Barike i save kamapim."

Long taim dispela grup i bin stat i kam inap nau, bikpela senis tu i kamap long musik bilong en. Kain stail bilong ol long singsing na wokim musik tu i senis long wanem samting em Barike i bin kamapim 10-pela yia i go pinis. Wanpela nupela musik kaset nau tasol i kamap inap saposim ol dispela toktok bilong mi. Tripela mamba bilong Barike yet i bin katim dispela kaset aniti long nem The Semitones. Olgeta singsing

bilong Barike insait long dispela "SANTA IKAM" kaset i stap long tok ples Kuanua, Inglis na tok ples Toaripi long hap bilong Kerema long Galp provins. Na dispela i soim as tingting bilong Barike long bungim wantaim Papua Niugini.

Camillo James, wanpela solo musik atis bilong Kerema, i bin raitim na singim song bilong Kerema taim em i go long Rabaul long dispela yia bilong katim kaset bilong em. Dispela tok ples Toaripi singsing em wanpela olpela krismas lotu song ol lapun i save singim long bipo yet bilong amamasim de Pikinini bilong Man i kam daun long graun. Dispela em taim Maria i karim Jisas long Betlehem.

Tasol i luk olsem tok ples tu i no hat tumas. Kain kain man, meri o pikinini inap singim sapos ol i brukim tru het long lainim. Musik bilong dispela singsing i no hariap na i ron isi na i gat swit long en.

Glen na pikinini bilong em, Juan i go pas long namba wan singsing FIRST NOEL/SILENT NIGHT long salt A. Ol apela yangpela wanskul bilong Juan i helpim long givim nek na ol arapela stail nabaut.

Planti pikinini bai save long dispela singsing. Na taim musik bilong en i go het, ol inap singsing tu wantaim. Singsing i stap long tok Inglis na i stori long liklik Pikinini Jisas. Na bilong wanem mipela i gat krismas

na wanem samting i bin kamap long dispela nait Maria i karim Jisas.

Dispela tupela singsing long tok Inglis inap sutim bel bilong planti lain long baim dispela gutpela krismas musik kaset bilong PNG yet.

Long pinisim stori bilong mi, dispela em i namba tu krismas kaset bilong Barike we i wankain long namba wan kaset.

I luk olsem "SANTA IKAM" kaset bilong Barike long dispela yia bai wankain tasol olsem long las yia.

Long amamasim krismas wantaim musik bilong PNG yet, i mabeta long traim musik bilong "SANTA IKAM" wantaim Barike.

THURSDAY 31ST OCTOBER, 1991	FRIDAY 27TH DECEMBER, 1991	EMTV		MONDAY 30TH DECEMBER, 1991	TUESDAY 31ST DECEMBER, 1991	WEDNESDAY 1ST JANUARY, 1992
6.00 TEST PATTERN AND MUSIC 6.27 STATION OPEN 6.30 ITN WORLD NEWS 7.00 TODAY SHOW (G) 9.00 STATION CLOSE 1.42 STATION RE-OPEN 1.45 MIDDAY WITH RAY MARTIN (PGR) 3.00 SESAME STREET 4.00 KIDS KONA 4.30 HUCKLEBERRY HOUND 5.00 HOGAN'S HEROES "The Informer" 5.27 EMTV TOKSAVE 5.29 NATIONAL EMTV NEWS BREAK 5.30 HOME AND AWAY 6.00 NATIONAL EMTV NEWS 6.30 A CURRENT AFFAIR 6.30 A CURRENT AFFAIR 7.00 SALE OF THE CENTURY 7.25 EMTV NEWS UPDATE (G) 7.30 NEIGHBOURS (G) 7.52 EMTV TOKSAVE 7.55 EMTV NEWS UPDATE 8.00 THE COSBY SHOW 8.24 EMTV NEWS UPDATE 8.29 EMTV NEWS MAGAZINE 8.30 ALL TOGETHER NOW "White Shade of Pale" 8.59 EMTV NEWS MAGAZINE 9.00 BEYOND 2000 10.00 BURKE'S BACKYARD 10.57 MEDITATION WITH PASTOR WALO ARNI 11.00 STATION CLOSE	6.00 TEST PATTERN AND MUSIC (G) 2.57 STATION OPEN 3.00 SESAME STREET (G) 4.00 FLINTSTONES PROLIC (G) 4.30 HUCKLEBERRY HOUND (G) 5.00 HOGAN'S HEROES (G) "Will The Real Adolp" 5.27 EMTV TOKSAVE 5.29 NATIONAL EMTV NEWS BREAK (G) 5.30 HOME AND AWAY (G) 6.00 NATIONAL EMTV NEWS 6.30 A CURRENT AFFAIR 7.00 A DIFFERENT WORLD 7.25 EMTV NEWS UPDATE (G) 7.30 NEIGHBOURS (G) 8.00 HEY DAD (G) 8.26 EMTV TOKSAVE (G) 8.29 EMTV NEWS UPDATE (G) 8.30 AUSTRALIA'S FUNNIEST HOME VIDEO SHOW 8.55 NATIONAL EMTV NEWS UPDATE 9.00 FRIDAY NIGHT MOVIE "Odd Jobs" (PGR) 10.27 MEDITATION 10.30 STATION CLOSE	SATURDAY 28TH DECEMBER, 1991 8.00 TEST PATTERN AND MUSIC 10.57 STATION OPEN 12.00 ALL STARS TO THE RESCUE: 12.30 RUGBY LEAGUE 2.30 MOVIE: To be announced 4.30 BONANZA: "Speak No Evil" (G) 5.27 EMTV TOKSAVE 5.29 EMTV NEWS BREAK 5.30 GILLETTE: (G) 6.00 NATIONAL EMTV NEWS (G) 6.30 DISNEY MOVIE: "Return To Oz" (G) 7.52 EMTV TOKSAVE 7.55 EMTV NEWS UPDATE 8.00 HAWAII 5-0 (PGR) "Hair Today Gone Tomorrow" 8.59 EMTV NEWS MAGAZINE 9.00 GUNSMOKE "The River, Part II" (PGR) 10.00 THE WACKIEST SHIP IN THE ARMY "Fun Has More Blondes" 11.27 MEDITATION 11.30 STATION CLOSE	SUNDAY 29TH DECEMBER, 1991 8.00 TEST PATTERN AND MUSIC 11.57 STATION OPEN 12.30 RUGBY LEAGUE: 2.30 MOVIE: "Scarlet Streets" (G) 4.00 GILLETTE WORLD OF SPORT: (G) 5.30 YUM: "Bia" (Rpt) (G) 6.00 NAT. EMTV NEWS 6.30 DISNEY MOVIE: "Cherokee Trail" (G) 7.30 48 HOURS: "Emergency USA" (G) 8.22 EMTV TOKSAVE (G) 8.25 NATIONAL EMTV NEWS UPDATE 8.30 SUNDAY NIGHT MOVIE "One Potato, Two Potatoes" (G) 10.00 MAN ABOUT THE HOUSE "Cuckoo In The Next" (PGR) (G) 10.30 LUMEN 2000: 11.57 MEDITATION 12.00 STATION CLOSE	8.00 TEST PATTERN AND MUSIC 2.27 STATION OPEN 3.00 SESAME STREET (G) 4.00 KIDS KONA including "THE PARADISE CLUB": FLINTSTONES PROLIC 4.30 HUCKLEBERRY HOUND (G) 5.00 HOGAN'S HEROES: "Don't Forget To Write" (G) 5.27 EMTV TOKSAVE 5.29 EMTV NEWS BREAK 5.30 HOME AND AWAY 6.00 NATIONAL EMTV NEWS 6.30 A CURRENT AFFAIR SUMMER EDITION 7.00 A DIFFERENT WORLD: "Reconcilable Difference" (G) 7.25 EMTV NEWS UPDATE 7.30 NEIGHBOURS (G) 8.00 THE YOUNG DOCTORS 8.54 EMTV TOKSAVE 8.59 EMTV NEWS UPDATE 9.00 A COUNTRY PRACTICE 9.59 EMTV NEWS UPDATE 10.00 NEW YEAR'S EVE SPECIAL (G) 01.57 MEDITATION WITH PASTOR WALO ARNI 2.00 STATION CLOSE G - General Exhibition PGR - Parental Guidance Required AO - Adults Only	6.00 TEST PATTERN AND MUSIC 2.47 STATION RE-OPEN 3.00 SESAME STREET (G) 4.00 FLINTSTONES FROLICS 4.30 HUCKLEBERRY HOUND 5.00 HOGAN'S HEROES (G) "Information Please" 5.27 EMTV TOKSAVE 5.29 EMTV NEWS BREAK 5.30 HOME AND AWAY (G) 6.00 NATIONAL EMTV NEWS 6.30 A CURRENT AFFAIR 7.00 A DIFFERENT WORLD: "Two Gentlemen of Hillman" (G) 7.25 EMTV NEWS UPDATE (G) 7.30 NEIGHBOURS 7.54 EMTV NEWS UPDATE 7.59 EMTV NEWS MAGAZINE 8.00 MEKIM MUSIK (G) 8.52 EMTV TOKSAVE 8.55 EMTV NEWS UPATE 9.00 WEDNESDAY NIGHT MOVIE "Baby Secret Of The Lost Legend" (PGR) 10.27 MEDITATION WITH PASTOR WALO ARNI 10.30 STATION CLOSE	

Pipia man maritim top meri

WANPELA taim long ples Pawia insait long Sauten Hailans provins, i gat wanpela man nem bilong em Pulupapi.

Trangu man ya i save kisim planti tok baksait i kam long ol yangpela meri long ples.

Olgeta taim ol meri i save lukim em na mekim tok pani na lap indai long em. Trangu Pulupapi i save sem long em yet na wari nogut tru.

No gat meri i laikim em. Na em i no gat sans tru long maritim wanpela meri long ples.

Tasol Pulupapi em wanpela hap man bilong painim abus stret long bus. Taim em i raun long bus, em bai kilim ol kapul na ol arapela abus bilong bus na karim i go long haus long apinun.

Wanpela de em raun long bus na painim abus. Em raun long bikbus i go inap apinun na em i kilim tripela kapul tasol.

Olsem na em pulapim long bilum na karim i go bek long haus.

Long dispela taim, em katim bel bilong kapul na rausim bel bilong ol. Em pasim ol tripela kapul ya wantaim na pulapim bel bilong ol kapul long bilum bilong em.

Taim em wokabaut long rot i go long haus, ples i go apinun na ren i stat long pundaun. Em wokabaut i go liklik



na bikpela ren i pundaun.

Olsem na em painim ples bilong slip long nait inap tula it orait em i ken go bek long ples.

Em wok long painim ples i stap na i lukim wanpela haus i stap klostu long rot. Olsem

na em wokabaut i go long dispela haus na paitim dua bilong haus ya.

Dispela haus i gat wanpela lapun meri wantaim yangpela pikinini meri bilong em i stap. Tupela i orait long em i ken slip long

haus bilong tupela inap long moning, na em i ken go long ples bilong em.

Pulupapi kirap na rausim tripela kapul ya na givim long tupela meri long kukim na ol i kaikai. Olsem na tupela i mekimsave

long kapul pinis na ol tripela i sindaun na kaikai i stap.

Ol kaikai i pinis na ol i laik slip. Mama i kirap na makim ples bilong Pulupapi long slip long nait.

Long nait taim ol i slip, man nogut ya i rausim ol pekpek bilong kapul long bilum na rapim long pes bilong em. Em mekim olsem pinis na go slip klostu long baksait bilong yangpela meri ya.

Pes bilong Pulupapi i slip klostu stret long as bilong yangpela meri ya.

Long moning taim, ol i kirap na luksave olsem pes bilong Pulupapi i bagarap long pekpek.

Olsem na mama i krosim pikinini meri bilong em: long pekpek antap long pes bilong Pulupapi.

Mama i tokim tupela long go daun long wara na wasim tupela yet. Bikos pikinini meri tu i gat pekpek i pas long baksait bilong em.

Tupela i go daun long wara na i no kam bek hariap long haus.

Yangpela meri ya i sem nogut tru long pekpek antap long pes bilong Pulupapi. Olsem na em givim em yet long Pulupapi.

Pulupapi kisim meri ya i go bek long ples na maritim em.

Rex P. Nande
MADANG



Meri bilong Kanage i kisim taim stret long go long toilet olsem na em ron i go ausait long haus. Em i painim ples i go no gat na em i laik mekim nating tasol long arere bilong rot.

Misis Kanage i brukim bus i go liklik na sindaun i stap. I no long taim na Kanage i kam bek long stua na lukim meri bilong em long bus i stap.

Bel bilong em i bagarap na tingting bilong em i paul pinis long dispela. Isi tasol em wokabaut i go klostu na bikmaus long meri bilong em. "Em bisnis bilong pablik o bisnis bilong wanpela man tasol?". Meri i kirap na bekim, "Jeles pasin tasol bai givim bisnis i go long pablik".

Leni Zero
MOSBI

Tupela liklik manki long gret 1 i sindaun long as bilong kokonas long belo. Narapela i bilong Madang na narapela i bilong Sepik.

Sepik i sindaun i stap na lukluk long manki Mada.g i kaikai.

Sepik i sindaun lukluk i go na bel bilong em i bagarap stret bikos em belo na em i pilim hangre pinis. Em i kirap tasol na pulim siot bilong manki Madang na tokim em olsem taim em i save karim kaikai bilong em i kam long belo em i save givim long manki Madang, tasol manki Madang i no mekim gutpela pasin long pasim kaikai bilong em. Manki Madang i kirap i sori long dispela na tupela wantaim i krai.

Hoks 91
MOSBI

Tisa i askim ol gret 3 studen long skul olsem, "What is LOVE?". Olgeta studen i bekim olsem, love em mani, papa na mama na ol kain kain samting. Wanpela manki i sindaun i go na singaut, "Tisa, love is pen long het i go long nek na lewa i bruk tupela hap".

Leni Zero
MOSBI

No ken pusim meri long bihainim yu tumas

Las wik mipela i bin printim wanpela pas bilong HUMBLED. Pas bilong Humbled i tok meri bilong em i no bihainim kastom bilong em na tu i no wok gaden gut. Na em i askim "Mi bai mekim wanem long meri bilong i wok gut long gaden?"

Dia Humbled,

Las wik mipela i bin tokim yu olsem yu mas traim na tingim wanem samting meri bilong yu bai askim sapos em i raitim wankain pas i kam long mipela?

Em yet bai askim olsem, "Mi bai mekim wanem na man bilong mi bai larim mi mekim samting long laik bilong mi?" Mipela laik tokim yu olsem marit bai bruk sapos man na meri i no sindaun wantaim na toktok long rong bilong tupela.

Yu laikim meri bilong yu i mas wok long gaden olgeta taim. Na yu save kros long em i mas senisim pasin bilong em. Na pusim em long mekim samting long laik bilong yu.

Dispela kain pasin yu mekim bai pusim em long bagarapim olgeta gutpela tingting na pasin bilong em.

Meri bilong yu bai senis liklik tasol. Sampela taim em bai senisim tingting na ranawe long yu. Sapos no gat, em bai stap wantaim yu, na yutupela bai kros olgeta taim.

Sapos em i gutpela meri, em bai senisim pasin bilong em na wok gaden gut olsem yu laik. Tasol nau yu gat bikpela tingting long lukim em wok planti taim long gaden.

Yu tok olsem yu laikim meri bilong yu tumas. Tasol yu no soim olsem yu gat laik long em. Long pas bilong yu, yu tok em les meri, tasol yu laikim em.

Tasol olgeta samting yu mekim i no soim olsem yu laikim em? Samting yu mekim long em i soim olsem, em i mas mekim wanem samting yu laikim, bai yu laikim em.

Yu tok olsem meri i mas bihainim olgeta kastom.



Tasol yu mas askim yu yet. Mi bihainim olgeta kastom bilong mi o no gat? Yu mas save olsem planti senis i wok long kamap bikpela long Papua Niugini. Yu bin go long skul na lainim Inglis.

Dispela em wanpela senis. "Yu mas askim yu yet olsem mi save painim abus olgeta taim o no gat? Nau yu lukim ol wan lain bilong yu i mekim sup-sup, katim kanu o no gat? Na tu nau yu yusim olgeta taim bilong yu long mekim ol dispela samting tu o no gat? O kastom bilong yu i senis pinis?"

Sapos man i senis pinis long kastom, meri tu bai mekim wankain samting. Na yu mas tingim ol meri tu, bikos ol i gat laik long mekim ol arapela samting na i no wok gaden tasol.

Yu mas save olsem ol man husat i laikim meri bilong ol tumas bai i no inap mekim kain pasin olsem. Olsem na Humbled, yu mas tingim olgeta dispela samting. Na no ken pusim meri long bihainim laik bilong yu olgeta taim.

Sampela taim bai yu painimaut olsem meri bai yusim planti taim bilong em long mekim gaden sapos yu no pusim em long wok. Na yu mas traim long laikim em, na lusim em mekim wanem samting em i laik mekim.

MI LAIPLAIN:



Nupela Kaisere grup: Bena Nheya em nem bilong dispela nupela kaisere grup long Goroka, em i bin kamap long Novemba, 1990. Grup ya i gat 125 yangpela man-meri nau, na i save putim kamap ol pilal raun long Bena Bena eria bilong Isten Hailans provins. Foto Sape Metta.

WANTOK

NIUSPEFA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Mirl Aori - Ext. 203
John Iagata - Ext. 215
Kosinto Fosagu - Ext. 216
Bonner Hui - Ext. 202



"Mi laik ritim Baibel long olgeta de, tasol bai mi stat we?"

**Ritim Tok
Bilong God**

1992

Liklik Kalenda
Bilong Ritim Baibel
Long Olgeta Day



Mipela i wokim pinis wanpela liklik kalenda bilong helpim yu. Em i makim ritim long Baibel long olgeta de. Na em i gat spes tu bilong raitim ol apoinmen samting. Yu ken baim long Kristen buksop long hap bilong yu. Prais em i 60 toea tasol.

CHRISTIAN BOOKS MELANESIA
P.O. BOX 488, WEWAK

PNG's only business newspaper

PNG

BUSINESS

40¢

JANUARY issue on sale **NOW**
at your favourite newsagency



POM
Jacksons News
Boroko News
Tabari News
Post News
Streamsnips



1 Andersons Foaduna - Rabaul
2 Arawa Enterprises - Rabaul
3 Butte News - Lae
4 Arawa Enterprises - Lae
5 John Forsters - Mt Hagen
6 T. Tam Yan - Madang
7 Arawa Enterprises - Goroka



PAPUA NEW GUINEA EXPO '92

The right Honorable Sir Michael T. Somare, Patron of Expo '92 and the Commissioner General and his staff acknowledge the support given by the following sponsors and wish each of them a merry Christmas and a prosperous New Year. Feliz Navidad Y Prosperos Ano Nuevo.

Agriculture Bank
Air Niugini
Angco Pty Ltd
A.N.G. Development Ltd
A.N.Z Bank (PNG) LTD.
Avis Nationwide Rent-A-Car
Chief Container Services
Command Petroleum Holdings
C.I.G
Courts Furnitures
Curtain Brothers
Daltron Electronics
David Richardson Architects
EMTV
East Sepik Provincial Government
Garamut Enterprises
Indosuez Niugini Bank Ltd
Islander Travelodge

Japan PNG Goodwill Society
Kalang FM
Jadeco Furnitures
Lae International Hotel
Leisure Holidays and travel
Loloata Island resort
Lutheran Shipping
Madang Provincial Government
Madang Resort Hotel
Melanesian Tourist services
M & E Partnership
Morobe Engineering
OK Tedi Mining Ltd
Ove Arup Engineers
Papindo Trading Co. Ltd
Paivu Tours
PNG Drillers Pty Ltd
PNG Electricity Commission

PNG Forest Products
PNG Government
PNG Haborus Board
Porgera Joint Venture
Post & Telecommunication Corporation

Rabtrad
Sepik International Beach Restort
SP Holdings
South Pacific Hotel Corporation
State Services Superannuation Fund
Taubmans Paints
The Bank Line
Trans Niugini Tours
Tribal Tops Inn Resort
Traditional Travel
Travelodge Hotel
Wespac Bank PNG-Ltd.

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Min Aon - Ext 203
John Lagala - Ext 215
Kosnio Fosagu - Ext 216
Bonner Hui - Ext 202

Krismas Toksave

i kam long Praim Minista RABBIE NAMALIU CMG MP

Taim bilong krismas i kamap gen. Na bikpela toktok bilong gutpela pasin na sindaun i gat bikpela as tru long yangpela kantri bilong mipela.

Dispela gutpela pasin i bin kamap tru long 1991 Saut Pasifik Gems. Tupela yia i go pinis, bikpela hevi i bin kamap long Bogenvil, tasol i gat ol gutpela rot nau bilong stretim dispela.

Sapos mipela i ken tingim toktok bilong krismas na lukluk bek long ol arapela yia bihain, bai yumi lukim olsem 1991 em yia bilong tanim i go long gutpela rot bilong developmen na strongpela kantri bilong bung wantaim.

Gutpela rot na pasin i kamap long Saut Pasifik Gems tripela mun i go pinis. Olsem na yumi i mas bihainim yet dispela rot bilong kamapim gutpela kantri.

Long Saut Pasifik Gem, mipela i soim yumi yet na ol kantri long wol tu olsem ol samting i bungim mipela wantaim i moa strongpela long ol samting i laik brukim mipela.

Sapos mipela i wok wantaim long kirapim dispela gutpela pasin na lusim ol liklik tingting nogut mipela i gat long en, wanem samting mipela i laik kamapim long 1992 bai karim kaikai.

Long dispela yia, mama lo na kantri bilong mipela i senis. Mipela i gat strongpela politikel sistem nau. Na ol wok bisnis na kain kain projek i kamap tru.

Ol dispela bikpela senis bai helpim gavman na ol lida long givim gutpela helpim long ol pipel long 1992 na ol yia i kam bihain.

Neks yia em taim bilong kamapim bikpela senis long wok bilong wel na ges. Dispela bai bringim bikpela na gutpela senis long kantri.

Ol dispela samting wantaim gol na kopa bai mekim nem bilong PNG i kamap namel long ol arapela kantri long wol.

Gavman bilong mi i lukluk long skelim olgeta helpim na sevis i go long wan wan eria na grup insait long ol komyuniti bilong PNG.

Ol papa graun, lokal grup na seaholda bai kisim helpim i go stret long ol. Tasol olgeta manmeri bai kisim gutpela helt sevis, moa skul, gutpela rot na moa wok long maining na arapela eria bilong ol bisnis.

Mipela i kirapim bikpela progrem long strongim wok bilong wok egrikalsa wantaim kopi, kakao, kopra na wel pam i stat pinis.

Prais bilong ol samting ol fama i salim tu i go antap. Na mak bilong bekim ol dinau tu i kam daun.

Bikpela lain pipel bilong Papua Niugini i save sindaun long wok egrikalsa. Bikos em i givim mipela kaikai na mani.

Ol bikpela wok maining i kamap long kantri. Tasol egrikalsa bai stap antap yet olsem strong bilong PNG. Wankain samting tu long painim pis, wok bilong fores long bus. Egrikalsa long PNG i givim wok, mani na kamapim kaikai long ol pipel.

Mi laik tok olsem mipela i luksave long bikpela wok egrikalsa i mekim long Papua Niugini nau. Na tu long wanem samting em bai mekim long taim bihain.

Ol wok bisnis bai helpim PNG long sanap strong long wol. Na dispela bai helpim long strongim prais bilong ol samting taim prais long wol i stap daunilo yet.

Dispela bai helpim mipela long kamapim nupela rot bilong wok egrikalsa, didiman, painim pis na wok bilong fores long kirapim gen ol wok. Ol bai helpim mipela long kamapim pawa saplai long ol ples na olgeta hap bilong kantri.

Dispela em wanpela bikpela senis long olgeta liklik ples long PNG.

Long 1992, bai mipela i kirapim ol bikpela projek bilong kamapim ol wok. Na daunim kain pasin bilong wet tasol ol samting i kam iong arapela kantri. Olsem bai wanem samting mipela yet i wokim inap kamapim trupela na gutpela kaikai.

Narapela bikpela samting em long kamapim ol wok long 1992. Dispela progrem i karamapim ol rot, pablik haus na ol komyuniti wok long givim wok long ol manmeri. Dispela i no wankain long ol wok bilong putim mani i go insait long ol bisnis, kisim ol ovasis kampani i kam wok long hia, wokim fektori na ol liklik bisnis long ples.

Mipela i bilip olsem dispela progrem bai givim wok long 30,000 pipel bihain long tripela krismas. Planti wok bai kamap long ol provins. Ol asples na ol yut grup bai i go pas long ol dispela wok.

Tingting bilong kamapim moa wok long ol pipel bai daunim ol hevi bilong lo na oda. Plis Fos bai kisim moa sapot bilong lukautim komyuniti na ol samting. Tasol mipela i mas yusim save bilong ol lain i lusim skul na i stap nating. Mipela i no ken larim pasin raskol i stap na bagarapim ol samting na pretim gutpela laip bilong ol pipel nau na long taim bihain.

PNG i gat bikpela hevi long painim wok bilong ol pipel. Planti lain bai i gat wok bilong mekim sapos kantri bilong yumi i ron gut gen long 1992 na ol yia bihain.

Na dispela inap stapim sampela hevi bilong lo na oda. Na helpim tu ol pipel bilong ples na taun long stap gut wantaim.

Nau, ol dispela toktok i no inap klia sapos mi no givim sampela tok piksa long gutpela sindaun long Bogenvil. Ol pipel bilong Bogenvil i kisim sevis nau long nesenel gavman na tu long distrik atoriti bilong ol yet.

Planti hatwok i kamap na ol manmeri i stap nabaut. Tasol nau, olgeta hevi bai pinis bihain long sampela mun. Na ol pipel bai i stap wantaim. Long dispela krismas, yumi olgeta long Papua Niugini i mas tingting na prea long olgeta sevis i mas go bek long Bogenvil. Na bel isi i mas kamap namel long ol pipel bilong Bogenvil na Papua Niugini.

Dispela em wanpela bikpela as tingting bilong yumi long Papua Niugini. Gavman bilong mi bai stretim rot olsem bai wankain hevi i no ken kamap long taim bihain.

Ol gutpela pipel bilong mi:

Namel long neks yia, yupela bai votim ol nupela lida long palamen. Na ol bai stap 5-pela yia olgeta bilong lukluk long ol hevi i kamap long wan wan ilektoret bilong ol. Olsem na yupela wan wan i gat pawa bilong makim kendidet em yupela i laikim long en.

Ol kempen i stat pinis, na i gutpela olsem husat i win i mas win long nek bilong demokratik gavman. Na gutpela gavman bilong Papua Niugini.

Ol senis long mama lo na ilektorel lo bai helpim gutpela ileksen long kamap. Na tu wok bilong politik bai inap ron stret.

Em i wok bilong wan wan pati, ol kendidet na sapota long lukim olsem ol ileksen i kamap gut. Resis i ken kamap, tasol i mas kamap wantaim gutpela tingting na pasin.

Sapos dispela i kamap, ating yumi bai pinisim namba 4 ileksen bilong yumi wantaim gutpela, strongpela na bung wantaim kantri.

Ol lain bilong mi, meri bilong mi Margaret na olgeta wanwok bilong mi long gavman i laik tok Meri Krismas na Hepi Nu Yia long yupela olgeta pipel bilong Papua Niugini.

Gutpela bel isi bilong krismas i ken stap wantaim yumi olgeta i go inap long Nu Yia.


THE trukai WINNERS!

Six GOLD, Eight Silver and Four
Bronze medals to our PNG
Weightlifters in the SP Games.

What a team!

Congratulations to:

Paul Euki, Andrew Bolong,
Bob Siape, Willie Tokana,
Wilson Tokana, K. Leai,
Roger Token, Lisimoni Kami.




Trukai Rice gets results!



SOFBAL



Ol meri MSC (1) soim trupela kala long Gazelle sofbal



• Ron Rolly bilong Manolos i abrusim wanpela 'bunt' long Mosbi sofbal resis bilong ol man las wiken.



• Pilala bilong Manolos long seken bes i kalap long ketsim wanpela flai bal long Mosbi Mens sofbal resis las wiken. Ol foto IVAN BAYAGAU.

ONIAS MANO I rattim

MSC (1) na Tigers i soim trupela kala bilong tupela long resis bilong Gazelle Wimens Sofbal Asosiesen long Sulphur Creek Spot Graun las wiken.

MSC (1) i no bin pilaim gutpela gem tumas long stat bilong sisen. Tasol long bikpela gem long las Sande, em i daunim kompetisen lida Raiders 10-3.

Tupela pitsa wantaim, Vibbie Mago bilong MSC (1) na Lucy Nakikus bilong Raiders i pitsim ol bal gut tru, na rausim ol beta klostu klostu.

Raiders em wanpela tim husat i gat ol ekspirien pilala olsem Darusila, June Micka, D. Puipui, Mary Pulpulung, Bilailai na Mangut. Ol i bungim wanpela strongpela

salens bilong ol stret long dispela sisen, egensim ol meri long retpela kala yunifom, husat i skoarim tripela ran tasol.

MSC (1) i painim stail bilong win long sampela gem i go pinis, i putim wantaim stail na olgeta pilala i pilai gut tru long posisen bilong ol.

Ol meri ya long retpela yunifom i pilai isi na stat long lukautim long tupela namba wan ining. I no longtaim ol i stat long ran i kam hom klostu klostu wantaim helpim bilong ol strongpela beta olsem Claudie, Vibbie, Lydia, Rubbie, Esther na Darusila.

Na ol meri Tigers i nekim MSC 2, 8-7. Dispela em gutpela win bihain long ol i salim kaikai long Scorpies long las wiken tru.

Kompetisen lida, Scorpies i bagarapim stret sindaun bilong ol

meri Rebels 18-0.


Long resis bilong ol man, namba wan pitsa bilong GASA, Pirit Malom i helpim Rebels long autim Island Bombers, tasol em i no inap. Bombers i win 3-1.

Dispela em i namba wan gem bilong Malom long dispela sisen. stail bilong em long pitsim bal i pretim stret Bombers, tasol laki long Bombers i win.

Aviat i skoarim dabol fofit egensim Island Bombers, na Brown Eagles na Tigers i fofitim Braves.

Poin lata bilong ol meri i sanap olsem: Scorpies-10, United Raiders-6, Brown Eagles-6, MSC II-4, Tigers-4, MSC I-4, Squaws-2, Rebels-0.

Na bilong ol man i sanap olsem: Tigers-10, Island Bombers-10, Aviat-10, Braves-8, Brown Eagles-6, Rebels-6.



• Pilala bilong NGI long fes bes i olim glav long ketsim bal em bata bilong Manolos i batim i kam long em.



BENSON and HEDGES

Madang provinsal spot opisa bekim ripot

BEN TAUMAI i raitim

PROVINSAL Spot Kodineta bilong Madang, John Bivi i no wan bel long tupela soka asosiesen insait long provins. Dispela em long autim komplem i go pas long niuspepa na askim long K3,000 mani em tupela i bin askim provinsal gavman long givim.

Nem bilong dispela tupela asosiesen em Madang Soka Asosiesen long taun, na Madang Kantri Soka Asosiesen. Madang Soka Asosiesen i bilong Madang taun. Na Madang Kantri Soka Asosiesen i lukautim

soka resis bilong ol rurel eria, husat i pilai aninit long nem bilong em.

Tupela wik i go pinis, *Wantok Niuspepa* Namba 910 bilong Fonde Desemba 12, 1991 tupela soka asosiesen ya i bin autim stori olsem tupela i wet longpela taim nau long kisim dispela mani, na tilim. Olsem na tupela i laik save sapos dispela mani i paul, bai i kam olsem wanem.

Asisten Seketeri bilong Divisen bilong Welfea, Sosel na Spot, Ivan Mulul i tok em i bin kisim wanpela sabmisen long dispela askim. Tasol em i bekim olsem opis bilong em i no gat inap


mani yet long helpim.

Bihain tupela asosiesen ya i raitim wanpela sabmisen i go long povinsal gavman. Ol i wetim wanpela ansa na Momase Rijonal tonamen i kamap, na i pinis. Tupela i laik yusim dispela mani long dispela tonamen.

Mulul i bekim olsem dispela mani em tupela asosiesen bai kisim long neks yia.

Tasol Bivi i laik tok kliia moa olsem i no gat dispela K,3000 ol i toktok long en, em provinsal givim long provinsal spot opis long givim ol.

"I tru olsem mipela i pilim sabmisen fom na salim i go long provin-



sal gavman long oraitim. Tasol no gat wanpela bekim i kam bek yet. Dipsela i min olsem ol i no oraitim."

Bekim bilong Mulul

Mulul i tok em i tru olsem opis em i kisim askim bilong tupela asosiesen ya. Tasol em i bekim olsem opis bilong em i no gat inap mani yet.

Olsem na tupela asosiesen i raitim wanpela leta i go stret long opis bilong Primia Andrew Ariako long helpim tupela. Primia i bekim olsem tupela asosiesen ya i mas raitim wanpela sabmisen bai provinsal eksekutyiv i mekim tok orait long gipela.

Na long taim ol i mekim sal na wetim provinsal eksekutyiv oraitim, dispela tonamen pinis long Madang. Ol i sava Vaniimo i kam long Madang Kantri Soka Asosiesen. Tonamen tu i kamap long Madang Kantri Soka Asosiesen.

long dispela yia. Na dispela kain pait toktok i no gutpela. "Ol i mas kam na toktok na askim mi."

Bivi i askim tu ol arapela spot insait long provins long go stret long em sapos ol i gat sampela hevi, na i no long go pas long niuspepa. "Ol i mas kam toktok wantaim mi na no ken go long niuspepa."

Bivi i tok opis bilong em i wok hat tru long dispela yia long kirapim olgeta spot insait long provins. Na tu helpim ol arapela senta olsem Morobe, Manus na Sandaun long hevi bilong ol.

Bihain long Momase Rijonal tonamen em ol

i bin senisim long Vaniimo i kam long Madang, opis bilong Bivi i helpim Vaniimo tim long go bek long ples. Bikos ol i no gat mani bilong go bek.

Bivi i tok ol i givim dispela helpim bikos long bihain taim, "ol bai helpim stretim hevi bilong mipela," em i tok. "Inap long politiks, neks yia mi laikim ol i mas wok gut."

Long pinisim toktok, Bivi laik tok kliia olsem Madang taun Soka Asosiesen na Madang Kantri Soka Asosiesen i kisim pinis K500 wan wan. "Dispela em lep mani bilong provinsal spot opis long 1991 ol i kolim lilektorel Sapot Gren, na i no bilong provinsal gavman," Bivi i tok kliia olsem



Kas bilong ol Furiki: Tupela Furiki pilala traim long takelim wanpela pilala bilong Gouna Nomads i go daun long graun. Dispela em long David Unagi op sisen ragbi lig resis long Godens, Mosbi las wiken.

Bai i gat senis yet long tim bilong ol meri Mosbi - Hemboring

KOSA bilong Mosbi wimens soka skwat, Bobby Hemboring i redi gen long bungim ol meri Mosbi. Dispela em trenim ol gen na redi long go long Goroka long sempionsip long Epril 17 na 20, 1992.

Kosa, Bobby Hemboring i tok sapos ol meri i stap insait long skwat bilong dispela yia i stap fit yet bai ol i stap yet, long skwat bilong neks yia. Bikpela samting em sapos ol i rejista wantaim PMSA.

Hemboring i tok ol meri i no olsem ol man we ol bai stap fit olgeta taim na redi long pilai. Ol i ken i gat bel na lusim pilai, ol man bilong ol i ken stapim ol long no ken pilai, na ol planti arapela samting moa.

Em bin traim long bungim skwat bilong em long pinis bilong Januери, na stat bilong Februери long, 1992.

Long dispela taim ol i ken statim trening bilong ol gen.

Em bai lukluk tu long sampela pilala bilong Mosbi husat i bin stap long Nesenel tim em i bin go daun long Australia long dispela yia. Sapos ol tu i stap fit yet, bai em i tingting long kisim ol i go insait long Mosbi skwat.

Long dispela yia, Hemboring i bin stat wantaim 30 meri long skwat, na bihain em daunim namba i go daun long 18. Tasol PMSA i bin askim em long daunim i go moa long 16. Olsem na em i gat 16 pilala long dispela yia i stap.

Em i tok ol i bin stapim trening long Ogas yet. Bikos long bikpela pilala bilong Saut Pasifik Gems long dispela yia. Ol i no bin mekim trening bihain long Saut Pasifik Gems i kam inap nau.

Hara Kap resis i no inap bagarapim PSSA kik

MOSBI Pablik Sevans (PSSA) soka resis i no inap long bagarap sapos Hara Kap resis bilong Mosbi soka (PMSA) i kamap long Februери 22, 1992.

Presiden bilong PSSA, Francis Kasau i tok long olgeta gem bilong pablis sevan, ol i gat tupela o tripela pilala bilong PMSA tasol i pilai. Olsem na sapos dispela resis i kamap, gem bai i no inap long bagarap. Bikos ol bai lusim tupela o tripela pilala tasol long wan wan klap.

Em i tok tu olsem PSSA i gat moa sapota na manmeri bilong lukim pilai. Olsem na ol bai i no inap long lus nambaut taim Hara Kap resis i kamap.

Fainal bilong PSSA resis bai kamap long Februери 24, 1992. Olsem na presiden i tok em i

tingting long askim ol eksekutyiv bilong em, long askim PMSA long yusim graun bilong ol long semi na gren fainal.

Em i tok sapos PMSA i no orait, bai dispela i no inap long stapim ol fainal bilong PSSA yet. Ol i ken pilai yet long graun bilong Klap Jemania.

Gem bai kamap yet long olgeta Sarere na Sande inap long Februери 24 long neks yia. Tasol sapos i gat ren long dispela wiken na bagarapim ol gem, bai ol i ken holim ol dispela gem long Januери 1, 1992.

Presiden i tok PSSA i gat inap mani i stap long lukautim gem inap long neks yia. Olsem na ol i gat inap mani long baim ol referi long olgeta wiken bihain long gem.

DPM i mas tingting gut long ol pawa boi

i kam long pes 28

Leo Kulumbu na Steven Malai. Ol trik na stail bilong David i ken givim het pen long NATRES.

Tasol NATRES i gat strongpela tim tu. Na em bai mekim dispela gem i gutpela long ol

manmeri long lukim. Wok bung wantaim bilong Noan Bakop, Joshua Supra, Nathan Utakare, Tom Taian, Kanawi Pakop, Cromwell Qopoto, Joe Sanpos, Linus Kensak na Charles Api bai mekim kamap gutpela

gem bilong NATRES.

NPF i gat gutpela sans long winim Taxation, sapos em i bungim gut tingting na strong wantaim. Las wik em i dro wantaim DCA. Bikos em yet i no redim em gut long dis-

pela gem.

Bikpela wok i stap long han bilong Ken Darius na George Lavert long toktok long ol boi. Ol takis lain i mas lukaut long wok bung bilong tupela NPF straika, Noel Willis na John Forova.

Planti gutpela senis kamap long ol senta

LUKLUK insait long 1991 yia bilong soka long Papua Niugini, planti gutpela senis i kamap long planti provinsal soka senta pinis. Planti senta husat i no gat nem long bipo i soim ol yet nau olsem ol tu i ken pilai wantaim ol arapela senta husat i gat nem long pilai soka.

Bikpela senis yumi ken lukim long hap bilong Hailans, olsem Goroka, Hagen na

Enga, Tripela senta ya i save pilai wankain soka tasol olsem ol lain long nambis i pilai.

I gat bilip olsem Goroka na Hagen bai kamap wanpela strongpela rijon bilong soka long liklik taim bihain sapos kosa na referi bilong ol i kisim sampela liklik trening moa long bihain. Dispela tupela samting tasol bai senisim tru soka long Hailans. Bikos ol i

LUKLUK BEK LONG 1991

Ripota Yakam Kelo i glasim ol senis em i bin kamap long 1991 soka sisen.

gat ol pilai na man bilong lukautim edministresen i stap.

Long dispela yia, PNG i bin lukautim Saut Pasifik Gems long Mosbi na Lae. Planti soka asosiesen i tingting long pinisim ol gem bilong ol hariap, na ol manmeri i ken go lukim

SP Gems. Olgeta i bin karim kaikai bikos gem i pinis stret, na ol manmeri i redi gen long lukim SP Gems.

Dispela i soim strong bilong ol wok edministresen long ol asosiesen. Bikos plen na program bilong ol i bungim stret taim ol i makim long en. Olgeta manmeri i bin amamas long soka gem i pinis long taim, na ol i lukim gen SP Gems. Olsem na dispela strong mas i stap yet long 1992, long mekim ol manmeri i luksave long strong bilong asosiesen bilong ol.

Dispela i helpim ol long stap strong na fit yet long, 1992.

Dispela bai givim bikpela hatwok liklik long ol arapela provins olsem long Momase rijon, Hailans rijon na long Manus. Bikos ol kosa na trena bai wok hat gen long glasim na skelim ol sapos ol meri bilong ol i stap fit yet long pilai o no gat. Sapos no gat, narapela bikpela wok gen long givim moa trening.

Nenesel Klap

B&H Nenesel Klap sempionsip long Mosbi i bin bungim ol tim long Wewak, Madang, Manus, Enga, Hagen, Goroka, Sentrel na Mosbi.

Wewak Yunaitet i bin soim tru olsem soka i no dai yet long Is Sepik. I tru olsem Wewak i no salim wanpela skwat i go long Momase Rijonel tonamen long Madang. Tasol long dispela bikpela nenesel kik, ol i soim ol yet long dispela taim. Wewak Yunaitet i bin pundaunim Yuni-vesiti husat em biknem primia tim bilong Mosbi, na go pilaim biknem Guria bilong Mosbi long gren fainal. Em i gat strong na spit na difens bilong em tu i strong wankain olsem Guria.

Em i bin lus, tasol em i pretim bel bilong Guria planti taim. Lamarat Manus tu em wanpela senta we i winim ai bilong planti sapota. Lukaut long tupela long neks yia.

Anda 23

Dispela i bin wanpela gutpela skwat tru bilong PNG long Osenia soka resis. Bikos ol manki i lainim planti samting, na pretim tru ol bikpela tim olsem Nu Silan.

Ol i bin lusim olgeta gem na dro long wanpela, tasol ol i bin kamapim planti gutpela salens na stail tru we i kamap ples klia. Na ol tim opisal na arapela kantri tu i luksave long en.

Sapos dispela skwat i pas wantaim long wanpela yia moa, em bai soim tru driman bilong PNG long soka. Long dispela, PNG i ken luksave long wanem rot mipela i pundaun long en, na wanem rot bai mipela i mas bringim kamap. Dispela skwat i

kisim nem pinis olsem Brasil bilong Pasifik.

SP gems nesenel tim

Dispela i bin wanpela gutpela skwat planti manmeri i gat bilip long en. Skwat ya i gat ol pilai we planti manmeri i laikim. I tru olsem ol arapela kantri long SP Gems i save pilaim ol strongpela gem, we stail bilong ol i gutpela moa long PNG.

Tasol i bin i gat sampela kain hevi i stap namel long dispela skwat. Ating hevi i stap long bel na tingting bilong wan wan pilai o ating i gat hevi wantaim ol opisal bilong dispela skwat yet.

Olgeta soka sapota insait long PNG i bin pasim maus tasol na wet. Tasol sapot bilong ol i pulap tru na wet i stap long lukim PNG i skoarim gol, na bai ol i stat long singaut na mekim nais. Dispela lus i bin daunim ol strongpela tingting, bilip na driman bilong ol soka sapota long kantri. Sapos hevi i stap long ol pilai yet o long ol opisal, o long graun bilong pilai, mipela i mas luksave long en na traिम long abrusim long 1992 sisen.

Wantok

PNG i gat ol gutpela program na plen i stap pinis na ol nupela i wok long kamap nau. I gat ol gutpela rot bilong kirapim na strongim soka insait long wan wan pilai yet, long ol wan wan asosiesen, ol kosa na referi, na tu long wok edministresen. Olsem PNGFA i mas autim tru tingting bilong em long wanem samting PNG i asua long en, wanem samting mipela i no ken mekim long bihain, na wanem tingting i gutpela long mipela i bihainim.

PNGFA i ken glasim gen ol wok bilong soka em PNG i bin go insait long en long dispela yia i kam inap nau. Ating bai ol i ken lukim sampela hevi bilong stretim, na no ken larim i stap na kamap gen long 1992.

Yumi gat ol gutpela rot i stap long strongim soka long kantri. Olsem na yumi wok strong long neks yia, na bihainim gut ol dispela rot. Soka em i gem bilong yusim tingting na save. Olsem na stretim gut ol tingting bilong yumi, na wok strong long bungim dispela driman bilong yumi.



• Paulus Savo bilong Edukesen (raithan) i resis long kisim bal egensim DPM pilai long Mosbi Pablik Sevan soka resis long las wiken. Olpela sempion, DPM i winim dispela gem 1-0.



• Napoleon Chakau i laik kikim bal i go ausait long gol eria bilong DPM long Mosbi Pablik Sevan soka resis.

Traim srukim PSSA resis i go long Bisini

Mosbi pablik sevan soka sisen.

Wanem kain ol senis bai kemap sapos Mosbi Pablik Sevan Soka resis i stat yusim Bisini soka graun long 1992 - 1993 sisen?

Mi tromoi dispela tingting tasol. Nau yet pablik sevan soka i stap long GFC graun long Waigani. I gat planti gutpela as long holim ol gem bilong pablik sevan long GFC.

Na sem taim, ating i gat ol as we pablik sevan i no mas holim moa ol gem long GFC. Tasol, ol dispela em i stap long wan wan manmeri long luksave na skelim.

Bisini

Sapos pablik sevan soka i stap



long Bisini, bai yumi lukim wanem kain ol senis?

Bisini i gat tupela soka graun. Olsem na namba wan samting em bai ol eksekutiv bilong PSSA i tingim sapos ol gem bai stap long wanpela de tasol, o ol bai stap long tupela de olsem nau.

Tasol, sapos yumi lukim taim, ol gem i save stat bikmoning tru long 8 klok.

Sampela manmeri i save laik slip gut pastaim na i kam lukim pilai samting olsem 9 o 10 klok. Em nau, bai eksetyutiv i tingting long putim ol gem i go long tupela de.

Na taim em bai stat samting olsem 10 klok o olsem. Ol tim i ken yusim tupela pilai graun wantaim.

Nau yet pilai graun long GFC i gat ol manmeri i save sindaun klostu tumas long arere long ol man o meri i pilai. Na sampela taim ol manmeri ausait i save singaut na bagarapim pilai bilong ol lain i save kik. Na long Bisini, bai no gat dispela samting. Ples bilong sindaun em i longwe long ples we ol pilaia i save kik.

Stua

Narapela samting tu em PSSA i ken askim PMSA long yusim liklik stua bilong em long salim ol kain kain samting. Em i narapela we bilong wokim liklik moa mani. O sapos PSSA yet i no laik ranim dispela liklik stua, wanpela klap i ken ranim na kisim liklik mani.

Sampela lain bai tok, Bisini pilai graun i stap long we tumas. Na sampela taim em i hat long kisim PMV. Dispela em i tru. Olsem na wanem tingting ol eksekutiv i gat, ol i ken skelim gut na bihaim tokaut wanem graun bai ol PSSA gem i stap long en.

Mi save olsem Presiden bilong PSSA i tok, ol bikman bilong

PMSA i no givim gutpela tok orait olsem PSSA i ken yusim Bisini soka graun long holim tonamen bilong em.

Sapos dispela toktok i tru, mi singaut strong olsem bai PMSA i luksave wanem kain samting em PSSA i laik kemapim na wanem kain helpim PMSA i givim, bikos dispela bai gutpela tru long soka insait long kantri.

Yumi traime tingting sapos PSSA i ranim ol soka gem bilong em long Bisini. Orait, long tripela o foapela wiken em i givim spes long EPC i holim ol gem bilong em long wanpela pilai graun. Long dispela taim, bai tupela tonamen i ran semtaim. Em bai gutpela o nogut. Yumi traime.



• Dispela em i stall bilong David Unagi Lig bilong Mosbi Op Sisen. Las wik tupela pilaia bilong Furiki i pulim wanpela pilaia bilong Gouna Nomads i go kam insait long fil.

SOGERI VALLEY OFF-SEASON RUGBY FOOTBALL LEAGUE DRAW

Sunday December 29, 1991.
Laloki High School Oval.

B GRADE

TIME	FIXTURES	
9.00 am	H/Cannery vs	Ilimo Keras
9.50 am	Bluff Inn vs	Tanubada
10.40 am	P/Panthers vs	K/Raiders
11.30 am	17 Mile vs	Mala United
1.20 pm	Radho vs	Sogeri Tigers

A GRADE

2.00 pm	H/Cannery vs	Ilimo Keras
2.50 pm	Bluff Inn vs	Tanubada
3.40 pm	P/Panthers vs	K/Raiders
4.30 pm	17 Mile vs	Mala United
5.20 pm	Radho vs	Sogeri Tigers

Progressive Points Ladder As of Game 5. (22/12/91)

"B" Grade		A Grade	
Sogeri Tigers	10	Ilimo Keras	9
Kanage Raiders	8	Kanage Raiders	7
Bluff Inn	6	Pidik Panthers	7
Pidik Panthers	6	PAC Tanubada	6
17 Mile	5	Bluff Inn	6
Hugo Cannery	4	17 Mile	6
Ilimo Keras	4	Sogeri Tigers	4
PAC Tanubada	4	Radho	4
Radho	3	Hugo Cannery	2
Mala United	0	Mala United	1

MOSBI PABLIK SEVIS SOKA POIN LATA WIK 8

MEN'S DIVISEN

TIM	P	W	D	L	GF	GA	PTS
DPM	8	6	1	1	12	7	13
DCA	8	5	2	1	25	16	12
PTC	8	6	0	2	26	7	12
Elcom	8	5	2	1	21	6	12
PNGBC	8	6	0	2	16	8	12
NPF	7	3	4	0	11	6	10
Natural Resources	7	4	2	4	12	6	10
Taxation	8	4	0	4	13	14	8
Lands	7	3	2	2	11	9	8
Education	8	3	0	5	9	10	6
Home Affairs	7	2	1	4	9	11	5
Att/Gen	7	2	1	4	7	16	5
Health	8	2	0	6	13	27	4
NCDC	7	2	0	5	9	22	4
POSF	6	1	1	5	3	12	3
UPNG	8	1	0	7	9	22	2
NHC	7	1	0	6	6	17	2

WIMEN'S DIVISEN

TIM	P	W	D	L	GF	GA	PTS
Education	8	5	3	-	15	3	13
UPNG	8	4	4	-	12	4	12
PTC	8	4	3	1	10	4	11
Lands	7	4	3	-	19	6	11
Health	8	4	3	1	14	6	11
Elcom	8	3	3	2	8	7	9
Taxation	8	2	4	2	3	4	8
DPM	8	2	3	3	9	9	7
DCA	6	2	2	2	6	8	6
Teachers	7	2	2	3	9	8	6
Home Affairs	7	2	2	3	7	17	6
Att/Gen	7	2	2	3	7	12	6
Teachers	7	2	1	4	5	10	5
NPF	8	-	5	3	5	11	5
PNGBC	7	2	1	4	9	9	5
PMD	7	1	2	4	5	8	4
NHC	7	-	3	4	5	17	3
NBC							

NOTE: • Dispela em opisal poin lata bihain long namba 7 raun bilong resis. Sapos yupela i laik save moa long poin lata bilong ol man orait, ringim John Mogi long telepon namba 276413. Na long poin lata bilong ol meri, yupela mas ringim Jenny Silikara long telepon namba 272407.



Ol pawa boi bai pretim olupela sempion, DPM

DPM i winim pinis namba wan ples long resis bilong Mosbi Pablik Sevan soka resis bihain long em i autim tiket bilong Edukesen long las wiken.

DPM em olupela sempion bilong dispela resis long las yia. Na em i gat dispela ekspiens. Las wik em i autim Edukesen 1-0 na kisim 13 poin we em i stap namba wan long lata. Ol arapela tim olsem DCA, PTC na PNGBC i karim 12-pela poin tasol na i go daun.

Dispela wiken, DPM bai bungim Elcom long wanpela bikpela na strongpela gem. Ol boi bilong Simon Emmanuel long DPM bai traime long pilaim wankain stail ol i bin yusim long las wik egensim Edukesen.

Sapos ol pawa manki

MOSBI PABLIK SEVAN SOKA RIPOT

YAKAM KELO i raitim

bilong Elcom i yusim pawa bilong ol wantaim sapot bilong Adam Lema long midfil, na Samar Asugum long fowatlain, ol i ken givim hat taim long DPM.

Elcom i sindaun klostu long DPM long poin lata. Olsem na em i gat olgeta sans insait long dispela resis long win, na tekova long lata.

Wok bung wantaim bilong Apisai Kukuan, David Geame, Joab Minian, Napolion Chapau na Moses Kimuli bai strongim DPM long dispela gem.

Ol haus mani boi bilong PNGBC bai bungim bikpela salens bilong Edukesen.

Edukesen i mas was gut long ol boi bilong PNGBC. Bikos midfil bilong em bai strong na fowat lain bilong em bai ran wantaim pawa. Alois Wabianik yet bai go pas long ol boi bilong em. Long fowat lain bai Caspar Sulep na Joe Koiri i traime long meknais long umben bilong Edukesen. Long beklain em Ramond Bonjui na Laho Oki bai banisim mak.

NATRES bai bungim salens bilong Hom Afeas. Ol Afeas boi bilong Scott Vavine bai kamap wantaim gutpela stail long dispela gem. Lukaut long David Panap, Thomas Piliwas, Albert Age,

i go moa long pes 25



• Kas bilong Edukesen i strong long rausim bal tasol susa bilong DPM i sambai pinis long fran na stapim em. Tupela i dro 0-0. *Poto Misako Elemaiah*

PNGRA i no makim yet ol referi bilong kisim FIFA medal

NEM bilong ol soka referi insait long Papua Niugini i no klia yet long kisim medal o namba bilong FIFA (Intanesenel soka bodi). Presiden bilong PNGRA, Mark Kelep i luksave pinis long sampela referi. Tasol em i no makim ol yet.

Em i tok ol aplikesen pepa bilong putim nem bilong ol referi i stap pinis. Tasol ol i no putim nem bilong ol referi yet.

Long Jun, 1992 FIFA i mas kisim nem bilong ol referi. Olsem na long nau i go inap long Jun, PNGRA i mas traime long kamapim sampela nem.

Sapos PNG i salim nem bilong tupela o tripela referi i go long FIFA, FIFA bai skelim ol gen, wantaim ol arapela soka kantri long Pasifik na long wol.

Kelep i tok ol i save skelim ol referi long ripot bilong haus sik, krismas bilong ol i mas aninit long 45, na ol i mas strongpela man long skin na wok. Na tu ol referi i mas lukautim ol nesanel tonamen, na bikpela soka resis long kantri yet.

Sapos sampela referi bilong PNG i kisim dispela luksave bilong FIFA, ol i ken kamap olsem ol intanesenel referi. Dispela i min olsem ol i ken referi long ol bikpela intanesenel gem.

Printed and published by Anna Bernadette Solomon, of Bitten Place, Gordons, at Allotment 2, Section 209, Ilohola.

PORT MORESBY PUBLIC SERVANTS SOCCER DRAW

Saturday December 28, 1991


No.	Taim	Divisen	Pilai	
1	8.00	Women	Health	v PTC
2	9.10	Men	Health	v PTC
3	10.10	Men	PNGBC	v Education
4	11.20	Women	PNGBC	v Education
5	12.20	Men	NPF	v Taxation
6	1.30	Women	NPF	v Taxation
7	2.30	Women	DPM	v Elcom
8	3.30	Men	DPM	v Elcom

Sunday December 29, 1991

1	8.00	Men	POSF	v NHC
2	9.10	Women	NBC	v NHC
3	10.10	Men	NAT/RES	v Home/All
4	11.20	Women	Teachers	v Home/All
5	12.20	Men	UPNG	v NCDC
6	1.40	Women	UPNG	v Prim/Min
7	2.40	Women	Att/Gen	v Lands
8	3.30	Men	Att/Gen	v Lands

Weekends Bye: DCA (Man/Men)

LUKIM INSAIT:



KIRBER
wantaim
GABRIEL PISE
- PES 27

- Madang spot opisa bekim ripot p25
- SOFBAL NIUS - P24

- Hara Kap resis i no inap bagarapim ol PSSA kik p25
- Mosbi tim bilong ol meri bai i gat senis yet p25

B&H

BENSON and HEDGES

B&H

LUKLUK BEK LONG 1991 SOKA SISEN - pes 26



RAGBI

NAMBA 11

FONDE DESEMBA 26, 1991.

NIUS

Mosbi Pablik Sevan lig bai kik op gen long Janueri 4

MOSBI Pablik Sevan Ragbi Lig bai statim gen 1991/92 resis bilong em long namba wan wiken bilong Janueri. Dispela em long Sarere Janueri 4, 1992.

Presiden Madicks Haro i tokim *RLN* olsem olgeta opisal bilong wan wan klap i mas stretim olgeta hevi hariap bipo long nu yia.

Em i tok Natres na Works klap i gat sans long pilai i go insait fainal. Tasol tupela i no stretim hevi bilong ol yet. Tupela i gat planti gutpela pilaia i stap long pilai sapos olgeta hevi i pinis.

Nau yet tupela bai givim tupela poin nating long wanem tim tupela i pilai egensim. Dispela em long wanem tupela i pilaim ol sem pilaia long resis bilong tim wan na

tim 2. Bikos tupela i no rejisterim inap pilaim.

Long dispela as na eksekutiv bilong asosiesen we presiden Haro i go pas long en i givim tupela dispela mekimsave.

Presiden Haro i tok planti tok-save asosiesen i tokaut pinis long taim bilong jenerel kibung bilong asosiesen. Na em bai i no inap givim sans long wanpela tim, em ol opisal bilong em i bikhet olsem.

Nau yet em PTC Phonecard wantaim Nam Raiders na Primads i sambai long pilai long fainal bilong 1991/92 sisen. Tupela gem i stap yet na wanem tim i laik kamap long fainal i mas paif strong nau.

Long gren fainal bilong las yia,

Patrick Trensport NBC/Finhaus i bin bagarapim sindaun bilong PTC 20-18, na autim 1990/91 primiasip taitel.

Long 1991/92 sisen, i gat bilip olsem olpela sempion, PTC bai go insait gen long gren fainal. Na wanem tim em i bungim i mas tingting gut.

Lukluk long ol pilai i kam inap nau, NBC/Finhaus i gat 50 pesen sans long winim wanpela bilong top 5 posisen, na pilai i go insait long fainal.

Nau yet em (NBC/Finhaus) i sindaun long namba 3 ples long resis bilong ol tim 2, NBC/Finhaus i sindaun long namba 7 ples. Sapos tim wan na tim 2 i sin-

daun long wanpela poin lata wantaim (pu'tim ol poin bilong tupela tim wantaim), NBC/Finhaus i sindaun long namba 5 ples.

Long wanpela poin lata tasol, PTC i stap namba wan wantaim 58 poin, Nam Raiders i stap namba tu wantaim 50 poin, NCDC i stap namba tri wantaim 46 poin, Leo Woo Primeds i stap namba 4 wantaim 42 poin, NBC/Finhaus i stap long namba 5 ples wantaim 38 poin, Works long 38, Trensport long 36 poin, Ella 26, Edukesen 20, na Natres i stap las tru long lata wantaim 20 poin.

Natres na Works i winim tripela gem, tasol hevi bilong ol pilaia i daunim poin bilong ol long poin lata. Nau yet tupela gem i stap


yet. Na bilip i stap olsem Works bai i no inap i go insait long fainal.

Works i mas stretim hevi bilong em hariap long winim tupela las gem, sapos em i laik winim wanpela bilong top 5 posisen, pilai i go insait long fainal.

Presiden Haro i tok, Works bai i go pas long lata sapos ol i rejistarim olgeta pilaia.

Nau yet Leo Woo Primed (tim wan) i karim 11-pela poin, na Trensport (tim 2) i karim 12-pela poin. Tasol lukluk long olgeta poin bilong tupela tim wantaim, PTC, Nam Raiders, NCDC, Primeds na NBC/Finhaus i gat sans long pilai long fainal.

“Trangu pikinini bilong man ya”



• Bihain het tok long antap, tupela Gouna Nomads pilaia (wait yunifom) i mas tingting olsem na i laik helpim wan pilaia bilong tupela, em tupela Furiki pilaia i memeim em stret long strongpela 'simen' graun long Godens. Tupela tim ya i mekimsave stret long David Unagi op sisen lig resis long las wiken, aninit long hot san bilong Mosbi. Lukim moa eksen poto olsem long pes 2. Ol poto Ivan Bayagau.

LUKIM INSAIT: LUKLUK BEK LONG 1991 SISEN

1991 Mosbi Pablik Sevan na David Unagi op sisen ragbi lig eksen bilong las wiken



• Unagi/Tupela Gouna Nomads pilaia traim long takelim wanpela pilaia long resis bilong Pul B.



• Unagi/Wanpela grasrut pilaia i ran wantaim bal na ol wan pilaia i sapotim em long bihain.



• Unagi/Oi Furiki pilaia i karakum long manki Gouna Nomads long resis bilong Pul B.



• Unagi/Wanpela Gouna pilaia i bungim strongpela takel stret na winga bilong em (Namba 2) i sapotim em.



• Unagi/Tupela Gouna Nomads pilaia i kam let, na trangu wan pilaia bilong tupela i kaikai das stret.



• Unagi/Wanpela grasrut pilaia i pusim PTC Dewe pilaia long het i go daun long graun long resis bilong Pul A.

Ol kas bilong Kiro Raiders yet



• Ol strongpela bagaros ya i save pilai long Kiro Raiders long David Unagi op sisen ragbi lig resis long Mosbi. Ol i winim planti gem nau, na i gat bikpela billip olsem ol bai go insait long fainal bilong 1991/92 sisen yet. Poto IVAN BAYAGAU.

1991 i no gutpela yia bilong ragbi lig long ai bilong ol ovasis kantri

LEO WAFIWA i raitim

LUKLUK BEK LONG 1991 SISEN

LONG 1991 sisen, em i tru olsem sampela liklik senis i bin kamap long ragbi lig insait long Papua Niugini yet. Dispela em long provinsal na nesenel level. Tasol long intanesenel level, bikpela bagarap tru i bin kamap.

Long dispela sisen, Frans Roosters na Australian Kangaroos i kam pilai raun long PNG.

Frans Roosters i bin kam pilai raun long Jun. Long namba wan gem, ol i salim kaikai long Sauten son 24-22 long Lloyd Robson oval, Mosbi wantaim gutpela tupela poin kik bilong faiv et Elias Paiyo. Long Rabaul, ol i salim kaikai tu long Ailan son. Tasol long Madang, ol i paia stret na givim gutwan long Noten son long wanpela poin tasol.

Na long wanpela tes gem tasol bilong Wol Kap poin long Danny Leahy Oval long Goroka, ol i mekimsave long Kumul 20-18. Dispela

em wanpela gem Kumul inap long winim isi tru.

Bihain long dispela gem, ol sapota i bikhet liklik na brukim banis. Sampela sapota i bel pen long Kumul kosa, Skerry Palanga long rausim Tuiyo "King" Evei long tim. Olsem na ol i pretim long

paitim Palanga.

Dispela bikhet pasin i kamap long ai bilong sampela bikman bilong kantri olsem olpela gavana jenerel, Sir Serei Eri.

Bikpela niuspepa, redio na televisen ripot i bin kamap long dispela gem, insait long kantri na ovasis wan-

taim.

Bihainim dispela ripot, Australia i ring kamap na i laik painimaut sapos nesenel tim bilong ol i ken kam pilai gut long hia o no gat. Dispela em bihain long ol i kisim ripot olsem ol Frans na PNG pilai i pilai wantaim diages em ol plisman i sutim

long ol longlong sapota.

Orait klostu long pinis bilong dispela yia long Oktoba, Australian Kangaroo i kamap. Ol sempion bilong wol ya. Olsem na ol i winim olgeta gem bilong ol, wantaim tupela tes gem.

Namba wan tes gem

long Danny Leahy oval, ol i bagarapim stret sindaun bilong Kumul 58-2. Na long namba tu tes gem long Lloyd Robson oval, ol i bungim strongpela salens liklik long namba wan hap.

Tasol long namba tu hap bilong pilai, ol i win 40-6.

Bihain long dispela, ol sapota na sampela lig opisal insait long kantri i putim strongpela komplem i go olsem PNGR-

FL i mas rausim Kumul kosa Palanga, na tu ol opisal husat i save makim ol pilai i go long nesenel tim.

Ol i toktok strong olsem olpela nem Kumul kepten, John Wagambie i mas kisim ples bilong Palanga. Bikos Wagambie i gat nem long kosa insait long kantri.

Dispeia i bin wanpela bikpela komplem tru we i bagarapim o daunim liklik wok bilong ol mari husat i lukautim Kumul tim. Em i tru olsem Palanga i mas kisim strongpela salens stret long dispela. Tasol Palanga i bekim long ol niuspepa ripot olsem em i no wari long ol dispela tok baksait.

Bikpela tingting biking em, em long developim ragbi lig insait long kantri.

Bihain long dispela Kumul i go pilai raun long Gret Briten na Frans long Yurop. Insait long dispela pilai raun, Kumul i no winim wanpela gem liklik.

Long 9-pela gem ol i pilaim, ol i winim wanpela tasol na lusim olgeta.



• 1991 PNG Mazda Kumul tim husat i bin go pilai raun long Yurop. Ol i winim wanpela gem tasol.

1992 SKUL FI SKOLASIP RESIS

“Dispela em i namba wan presen bilong krismas”

Word Publishing Kampani inap baim skul fi bilong yu long neks ya 1992. Hariap na salim planti nem i kam long adres daunbilo na yu inap winim dispela skolasip olsem krismas presen.

Las de bilong salim ol nem em long Fraide 31 Janueri, 1992 na nem bilong ol wina bai kamap long Fonde 6 Februeri, 1992.

Namba wan prais: Skul fi bilong haiskul em Word Publishing Kampani bai baim stret i go long skul.

Namba tu prais: Skul fi bilong komyuniti skul Word Publishing Kampani bai baim stret i go long skul.

Baim wanpela niuspepa na raitim nem, edres na telipon namba long spes i stap daunbilo na salim i kam long: Skolasip Resis, PO Box 1982, Boroko, NCD.

mema bilong ol wok manmeri bilong Word Publishing Kampani i no inap traिम dispela resis.

NEM:

ADRES:

TELIPON NAMBA:



SIPAK MAIK

NAU OL I GO LUKIM OL MONKI...

HENRI SUBIM HAN I GO INSAIT NA LAIK SEKHA WANTAIM MONKI, YA.. TASOL MONKI PULIM HAN I GO INSAIT...

TARANGU HENRI I BIKMAUS NA EM TU PULIM HAN... TASOL STRONG BILONG MONKI I MOA YET...



NAU JUNIA WANTAIM MAMA GO KISIM ZOO KIPA IKAM...

WANTU, ZOO KIPA I SINGAUT NA WINIM WISEL WANTAIM LONG MONKI, YAH...

NAU MONKI I HARIM WISEL BILONG MASTA NA EM LUSIM HAN...



PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus, PNGBC ken givim yu dinau long baim ol dispela samting.

Yu mas gat gupela wok na sampela seving long haus moni. Na i no hat tumas long bekim dispela dinau.

Askim long haus moni bilong PNGBC. Bai mipela halivim yu long kisim ol samting yu laikim - emi tru!




REBO




OL SAVEMAN BILONG BISNIS YUSIM OL!


Lister




LT1 5 K.V.A.
 • TOTALLY PORTABLE ENERGY SOURCE
 • IDEAL UNIT FOR VILLAGE LOCATIONS



TS2 8.5 K.V.A.
 • 3 PHASE OR SINGLE PHASE POWER
 • COMPACT AND EFFICIENT



HR3 26.25 K.V.A.
 • IDEAL COMMERCIAL BACKUP SYSTEM



CS6 58 K.V.A.
 • INDUSTRIAL CAPACITY
 • WILL HANDLE MAXIMUM DEMAND FOR POWER ANYTIME

Brian Bell Stores

- BOROKO — 25 5411
- LAE — 42 1433
- GOROKA — 72 1098
- MT. HAGEN — 52 1999
- RABAU — 92 1966

Phantom






Flash Gordon

Ol manmeri i wok hat stret long sanapim gen dispela siti bilong ol. Ol i wok hat stret.

... na Flash na Dale i wetim tok orait bilong Borac, husat i laik kilim wupela



MICKEY MOUSE



LUSHIP

P.O. BOX 789 MADANG

FOR VESSELS CARRYING PASSENGERS DECEMBER 1991

Vessel	Voy No.	Sailing from Madang for...	Day	Date	Time	Vessel	Voy No.	Sailing from Madang for...	Day	Date	Time
Rita	101S	Wasu/Finsch/Buki/Lae/Oro Bay	Sun	01/12/91	9 am	Umboi	197N	Lorengau	Tue	17/12/91	12 mn
Total	491S	Biliau/Yara/Wasu/Sio/Finsch/Lae	Mon	02/12/91	9 am	Rita	103O	Wewak	Tue	17/12/91	4 pm
Umboi	195N	Lorengau	Tue	03/12/91	12 mn	Malalo	267N	Aitape/Vanimo	Wed	18/12/91	6 pm
Malalo	266N	Aitape/vanimo	Wed	04/12/91	6 pm	Rita	103D	Wewak	Thu	19/12/91	4 pm
Rita	102N	Wewak	Thu	05/12/91	4 pm	Rita	103E	Wewak	Sat	21/12/91	2 pm
Rita	102A	Wewak	Sat	07/12/91	2 pm	Rita	103F	Wewak	Mon	23/12/91	4 pm
Total	492S	Biliau/Yara/Wasu/Sio/Finsch/Lae	Mon	09/12/91	9 am	Total	494S	Biliau/Yara/Wasu/Sio/Finsch/Lae	Mon	23/12/91	9 am
Rita	102S	Wasu/Finsch/Buki/Lae	Mon	09/12/91	9 am	Rita	103G	Wewak	Fri	27/12/91	5 pm
Umboi	196N	Lorengau	Tue	10/12/91	12 mn	Rita	103S	Wasu/Finsch/Buki/Lae/Oro Bay	Sun	29/12/91	9 am
Rita	103N	Wewak	Wed	11/12/91	10 pm	Madang ticket office hours: Mon to Fri 0800 - 1145 1315 - 1530					
Rita	103A	Wewak	Fri	13/12/91	5 pm	Sat 0800 - 1030					
Malalo	266S	Long Is/Lokep/Masele/Gizarum/Lablab Finsch/Lae	Sat	14/12/91	9 am	For reservations or enquiries phone Sesu on 82 2577.					
Rita	105B	Wewak	Sun	15/12/91	5 pm						
Total	493S	Biliau/Yara/Wasu/Sio/Finsch/Lae	mon	16/12/91	9 am						

PASSENGER SCHEDULE FOR DECEMBER 1991

Lutheran Shipping, P.O. Box 1459, Lae. For passenger bookings/information contact Clement or Ita ph: 42 2066. * Denotes Passenger Only Vessel.

Other vessels are cargo passenger vessels which are listed below.

Vessel	Voy No.	Sailing for	Day	Date	Time	Vessel	Voy No.	Sailing for	Day	Date	Time
*Mamose Ex	235N	Kimbe/Rabaul	Mon	02/12/91	10 am	*Mamose Ex	238X	Buki/Lae	Wed	18/12/91	8 am
Umboi	195N	Madang/Lorengau	Mon	02/12/91	4 pm	Total	484A	Finsch/Gizarum/Lae	Wed	18/12/91	8 pm
*Rita	101S	Oro Bay	Mon	02/12/91	7 pm	Nagada	251S	Oro Bay	Thu	19/12/91	12 mn
Malalo	266N	Lablab (Aitape/Vanimo)	Tue	03/12/91	4 pm	*Mamose Ex	238Y	Buki/Lae	Fri	20/12/91	8 am
*Rita	102N	Buki/Finsch/Wasu/Madang/Wewak	Wed	04/12/91	9 am	Total	494N	Finsch/Sio/Wasu/Madang	Fri	20/12/91	4 pm
Total	492A	Finsch/Gizarum/Lae	Wed	04/12/91	4 pm	*Mamose Ex	238S	Morobe/Oro Bay/Morobe/Lae	Fri	20/12/91	8 pm
Nagada	251A	Finsch/Lablab/Finsch/Lae	Thu	05/12/91	4 pm	Nagada	251O	Buki/Lae	Sat	21/12/91	8 am
*Mamose Ex	236A	Buki/Lae	Fri	06/12/91	2 pm	Nagada	252P	Wasu/Lae	Sat	21/12/91	9 pm
Total	492N	Finsch/Sio/Wasu/Madang	Fri	06/12/91	4 pm	CHRISTMAS					
*Mamose Ex	236X	Buki/Lae	Sat	07/12/91	8 am	*Mamose Ex	239N	Kimbe/Rabaul	Thu	26/12/91	10 am
Nagada	251B	Buki/Lae	Sat	07/12/91	8.30 am	Total	495A	Buki/Lae	Fri	27/12/91	8 am
*Mamose Ex	236B	Lablab/Buki/Lae	Sat	07/12/91	8 pm	Total	495B	Buki/Lae	Sat	28/12/91	8 am
Nagada	251C	Buki/Lae	Sun	08/12/91	8 am	Total	495C	Buki/Lae	Sun	29/12/91	8 am
Nagada	251D	Buki/Lae	Mon	09/12/91	8 am	Total	495D	Finsch	Sun	29/12/91	9 pm
*Mamose Ex	235N	Kimbe/Rabaul	Mon	09/12/91	10 am	*Mamose Ex	240A	Buki/Lae	Mon	30/12/91	2 pm
Umboi	196N	Madang/Lorengau	Mon	09/12/91	4 pm	Umboi	198N	Finsch/Lorengau	Mon	30/12/91	4 pm
Nagada	251E	Buki/Lae	Tue	10/12/91	8 am	*Rita	103S	Oro Bay	Mon	30/12/91	7 pm
*Rita	103N	Finsch/Wasu/Madang/Wewak	Tue	10/12/91	7 pm	Total	495B	Buki/Lae	Tue	31/12/91	8 am
Nagada	251F	Lablab/Lae	Tue	10/12/91	9 pm	*Mamose Ex	240N	Kimbe/Rabaul	Tue	31/12/91	10 am
Total	493N	Finsch/Sio/Wasu/Yara/Biliau/Madang	Wed	11/12/91	4 pm	Please note tickets will only be sold during the following times Monday to Friday 8 am to 3.30 pm. Saturday 8 am to 9 am.					
Nagada	251G	Buki/Lae	Thu	12/12/91	8 am	No after hours tickets will be sold. All persons over one year are all persons over one year of age are required to purchase a ticket.					
Nagada	251H	Lablab/Lae	Thu	12/12/91	9 pm	Children up to one year travel free, children from one to 12 years and students with students I.D. cards travel at half adult rate.					
*Mamose Ex	237A	Buki/Lae	Fri	13/12/91	2 pm						
*Mamose Ex	237K	Buki/Lae	Sat	14/12/91	8 am						
Nagada	251I	Buki/Lae	Sat	14/12/91	8.30 am						
*Mamose Ex	237S	Oro Bay	Sat	14/12/91	8 pm						
Nagada	251J	Wasu/Lae	Sat	14/12/91	9 pm						
*Mamose Ex	238A	Buki/Lae	Mon	16/12/91	8 am						
Nagada	251K	Buki/Lae	Mon	16/12/91	9 am						
Umboi	197N	Madang/Lorengau	Mon	16/12/91	4 pm						
*Mamose Ex	238W	Wasu/Buki/Lae	Mon	16/12/91	8 pm						
Nagada	251L	Buki/Lae	Tue	17/12/91	8 am						
Malalo	267N	Lablab (Aitape/Vanimo)	Tue	17/12/91	4 pm						
Nagada	251M	Lablab/Lae	Tue	17/12/91	9 pm						



Agents:

Lae LUSHIP 42 2066
Madang LUSHIP 82 2577

Finschafen
Wewak
Oro Bay

LUSHIP
Sepik Coastal
Century Shipping

44 7004
86 2643
29 7268

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.